

JEHOVAH-JIREH ¹

 Lulang fatše. Ona ke monyetla o moholo, ho khutla hape bosiusng bona. Le lehlohonolo le leholo ho 'na, ho tla bua le lona ka Morena oa rona Jesu, Eo ke kholoang bongata ba lona le a mo tseba, kapa ke tšepa le etsa joalo, ka teballo ea libe tsa lōna le—le ka mokhoa oa mohau oa Hae, ho lōna. 'Me A ke a le fe, bosiusng bona, mohau oa Hae ho feta. Ha re tloha mona, re khone ho bua, joaloka bao ba tsoang Emmause, "Lipelo tsa rona li ne li chesa ka ho rona, ha A ntse a bua le rona tseleng."

² Joale, hoseng ho hong le ho hong, ke lumela ba na le e—e—e monna oa likhokahano ea kang eena. Mongh. Vayle mona o tšoere e—e thuto, o batla a arabu lipotso a bua ka Lengolo. Na hoo ho teng mona ka mohahong? Hantle ka hara moaho ona, hoseng. 'Me haeba motho a lokolohile, le bareri ba itseng, kapa ba joalo, ba ka ratang ho eta, khele, mang le mang o amohetsoe. 'Me Moena Vayle ke mosuoe ea hloahloa haholo. Ruri, o na le thuto e ntle.

³ 'Me ka hona, ke buile tsatsi le leng, eka nka—nka be ke fumane thuto. Ke tlameha ho sebelisa lipapiso, joaloka ntho e 'ngoe, ho hlalosa, le a tseba. Ha ke na thuto e lekaneng ho e qhaqholla. Empa ka mokhoa o itseng, kapa o mong, Morena o nthusa ho phomella.

⁴ 'Me ka hona ke hopola, khetlo le leng ho kile ha hlaha e—e monna Lengolong, lebitso la hae e le Johanne, 'me ntatae e le moprista. Ka tloaelo, ba latetse seo ntata bona a se entseng. Empa ruri o ne a tšoere molaetsa; o ne a tla tumisa Messia. 'Me joale haeba a theohetse sekolong seo ntatae a ileng ho sona, ba itse, "Joale, u a tseba Moena *Sekete-kete* ea ratehang? Eo ke Messia feela," ba batle ba mo menamena ka eona. Ka hona, ua bona, ha a kena sekolo sa mofuta oo.

⁵ A kena lefeelleng, moo a ithutileng ka Molimo. Le hlokomba melaetsa ea hae, e tsoang? Ha ho mohla a kileng a fumana thuto. O kene a le lilemo li robong, a tsoa a le mashome a mararō, a rera likhoeli tse tšeletseng, 'me a khaoloa hlooho. Joale re mo fumana a sebelisitse... Ho itsoe, joaloka Bafarisi ha ba tsoile, le Basadusi, 'me o itse, "Oh, lona malinyane a linoha!" Ke seo a se boneng felleng; linoha, ntho e litšila le e nyekenyehang, le e thetsang. Le a bona?

⁶ Joale motho e mong a ka be a itse, "Helang, uena sekotoana se sa reng letho sa tšitiso," kapa ntho e itseng. Empa eena...

⁷ Empa, le a bona, o ne a sa tsebe mantsoe ho a sebelisa, eaba o re feela, "Lona malinyane a linoha," ke seo a se boneng felleng. Ho re, "Ke mang ea le lemositseng ho balehela bo tlang?" Le se ke la re, seo 'Re tšoere, re litho tsa *sena* 'me re litho tsa *sane*,'

hobane Molimo o ka khona ka majoe ana,” seo a se boneng, “ho tsoetsa Abrahama bana. ’Me selepe se beiloe motsong oa sefate.” O tsebile seo a se etsang ka sefate se sebe. “Sefe se sa beheng tholoana e monate, se a rengoa se lahleloa mollong,” ho chesa patsi e mpe.

⁸ Le a bona, molaetsa oa hae ohle e ne e le ntho ea tlhaho, o e bapisitse. Batho ba tlaase ba utloisia seo. ’Me hape ba . . . Kea kholoa ka linako tse ling ho ka ba molemo ho feta mantsoe ana ’ohle a maholo ao batho ba ithutang ona sekolong.

⁹ Joale, re ne re siiloe ke nako maobane bosiu, re ntse re leka ho le ntša ka nako, bosiung bona, ha re ka khona. ’Me ke tšepa hore Morena a ke ke a nesa pulu e mpe haholo bosiung bona, holima marulelo ana a masenke, ka hona re tla lumela feela ’me—’me re leke ho Mo sebeletsa, ka bokhoni ba tsebo ea rōna.

¹⁰ Joale ha re emeng re sa bala Lentsoe la Molimo, re sa bala joale ho tsoa Bukeng ea Genese. ’Me re qala khaolong ea 22 le temana ea 7, ho bala ea 14, ’moho.

Eaba Isaaka o bua le Abrahama ntatae, a re, Ntate: a re, Ke ’na enoa, mora oa ka. ’Me a re, Bona mollo le patsi ke tsena: empa konyana ea secheso e kae?

Eaba Abrahama o re, Mora ka, Molimo o tla ipatlela konyana ea secheso: Eaba ba tsamaea bobeli ba bona.

Eaba ba fihla nqalang eo Molimo o ’moleletseng eona; ’me Abrahama a haha aletare mono, a lokisa patsi, a tlama . . . mora oa hae, a mo robatsa aletareng holima patsi.

Eaba Abrahama o otlolla letsoho la hae, a nka thipa ho bolaea mora oa hae.

Eaba lengeloi la MORENA le hooeletsa ho eèna leholimõng, la re, Abrahama, Abrahama: ’me re, Ke ’na enoa.

’Me la re, U se ke oa bea letsoho la hau holima moshanyana, ’me o se ke oa bea . . . holim’ a hae: Hobane joale kea tseba hore u tshaba Molimo, kaha u hanne . . . ha ua nkanelia . . . mora oa hau a le mong.

Eaba Abrahama o emisa mahlo a hae, a talima, ’me bonang pheleu ka mora hae e tšoasitsoe ka linaka: eaba Abrahama o tloha a nka pheleu, a e nyehela secheso . . . sebakeng sa mora oa hae.

’Me Abrahama a rea lebitso la tulo eo Jehova-jire: joaloka ha ho boletsoe tsatsing lena, Ho tla bonoa thabeng ea MORENA.

¹¹ Ha re inamiseng lihlooho tsa rona motsotso feela ’me re etse thapelo.

¹² Ntata rōna oa Leholimō, re bolellooa ka Lentsoe lena, e leng Molimo, ho re, "Tumelo e tla ka kutlo, le kutlo ka Lentsoe la Molimo." 'Me joale, Ntate, re rapela hore U tle o re abele moelego oa palo ena, re tle re ithute kamoo re bolelloang ka Bibele, ho re, "Lintho tseo tsohle morao koana Testamenteng ea Khale e ne e le mehlala eo re tlamehang ho e bona." Ho ba utloang pitso ea Molimo, ba lehlohonolo. Ba e hanang, ba rohakiloe. Ka hona rea rapela, Ntate, re tle re utloisise, bosiung bona, ka t̄senolo. A Moea o Halalelang o ke o re senolele lintho tse lebahaneng le rona tsatsing lena, ntho eohle e patiloe sephiring se seholo sena sa Molimo esale ho theoa lefatše. Hoba re e kopa ka Lebitso la Jesu. Amen.

Le ka lula fatše.

¹³ Ke batla ho bua ka temana, ha Morena a ratile, ho tsoa mohopolong oa: *Jehova-Jire*. Lentsoe le bolela "Molimo o tla Iponela sehlabelo."

¹⁴ 'Me re bua ka Abrahama, 'me mona e ne e le mohla a neng a lebeletse mora oa t̄sepiso. Ho fumana 'nete ea sena, re tla khutlela morao. 'Me sena se ne se le khaolong ea 22. Re batla ho etela morao; ke ngotse Mangolo a 'maloa mona, ao ke ratang ho lebisa ho oona, ha ho ka etsoa. 'Me ke batla ho bua ka 'ona, 'me ke batla ho qala khaolong ea 12. Re tla khutlela morao ho fumana hore mophetoa enoa Abrahama ke motho mang, 'me joale joang—ho tlie joang hore Molimo a mo khethe.

¹⁵ Rea tseba hoba pallo e ne e filoe Abrahama le Peō ea hae e mo latetseng, 'me ke ka ho ba ka ho Abrahama feela re leng majalefa le eena ka pallo. Joale Abrahama o ne a e-na le peō, 'me peō, ehlile, e ne e le, a e-na le peō tse ngata, lipeō, empa a ena le Peo e le 'ngoe eo t̄sepiso e neng e baletsoe eena. A fumana Ishmaele; 'me hoba Sara a shoe, a nyala mosali e mong 'me a ba le bara ba supileng ntle le barali; 'me bohole ke peō ea Abrahama, empa e . . . lipeō tsa Abrahama, empa Peō ke eo ea neng a neiloe t̄sepiso. 'Me Peō, ka t̄soanelo, ke *tumelo* ea Abrahama, a neng a e t̄soere Lentsoeng la Molimo la pallo.

¹⁶ Joale Abrahama, re a fumana, rona . . . ha a hlahe ho fihlela re mo fumana mona nka re khaolong ea 12. Khaolo ea 11 ea Genese, re fumana ntatae a ile a theoha Babilona. 'Me Abrahama e ne e le monna oa tloaelo feela, joaloka 'na le uena, kapa mang feela. 'Me o ne a nanarela, ke rialo, seo re ka se nahantan, leqheku la monna. O ne a le lilemo tse mashome a supileng a metso e mehlano. O ne a nyetse halofo khaitseli ea hae. Lebitso la hae e ne e le Sara. 'Me lebitso la hae lekhatheng leo, ehlile, e ne e se Abraham, e ne e le Abram. 'Me—"me la hae e le Sarai. Ka hona re mo fumana a ne a le monyenyan ho eena ka lilemo tse leshome, ho mo entseng mashome a t̄seletseng a metso e mehlano, 'me eena a le lilemo tse mashome a supileng a metso e mehlano.

¹⁷ Mohlomong, e ne e le sehoai, se lula phuleng ea Shineare mono, 'me se phela bophelo ba tloaelo. Eena—eena mohlomong o ile a tsoa motšeare, 'me a lata nama ea hae morung, 'me a kha meretloa, 'me a phela bophelo ba mofuta oo. Monna ea tloaelehileng feela, ho se letho le ikhethileng ka eena. Empa ka tsatsi le leng, Molimo oa 'mitsa. Ke sona se entseng phapang, mohla Molimo o neng o etsa pitso.

¹⁸ 'Me ho joalo bophelong bofe kapa bofe. Ho nka Molimo. Ha se seo u se etsang; ke seo Molimo a se etsang. Ua bona? U re, "Ke batlile Molimo. Ke batlile Molimo." U fositse. Ha ho motho ea batlang Molimo. Molimo o batla monna. Ua bona? Ha se uena ea batlang Molimo; ke Molimo o u batlang.

¹⁹ Jesu o itse, "Ha se lona le nkhethileng, empa Ke 'Na ea le khethileng." Le a bona? Ka hona u khethiloe pele ho motheo oa lefatše, ho seng joalo ha u a khethoa ho hang. O tlie feela ho lopolla lebitso leo. 'Me bohle bao mabitso a bona a sa ngoloang Bukeng ea Bophelo ea Konyana . . . pele ho motheo oa lefatše, ke bona feela ba tleng ho ba teng mono, le ha ho le joalo. Le a bona? U ne u khethoa ka ho Eena pele lefatše le theoa. Mohla Konyana e ne e khethoa, le ne le khethoe le Eèna, pele ho motheo.

²⁰ 'Me uena, joaloka ha ke boletse maobane bosiu, tholoana ea mohopoloo ea Molimo. Le a bona, ke eona feela tsela eo u ka bang Bosafeleng, le sona feela sebopoho sa Bophelo Bosafeleng. Sebopoho sa Bophelo Bosafeleng se seng feela, 'me sona ke Molimo. Ka hona, ke phetho, ke Eèna feela E leng oa Bosafeleng.

²¹ Joale re fumana Abrahama a fumane nqalo eo. 'Me Molimo, ka har'a Testamente ea Khale, o sebelitse lipapiso le liriti, ho bontša seo A neng a tla se etsa.

²² Joale mona re fumana Molimo o buile le eèna. 'Me ntho e khôlô, hoba Molimo o 'mitse . . . Pitso eo Molimo o e bitsitseng e ne e le pitso e mohlolo. Empa, leha ho le joalo, ha e a ka ea sisinya Abrahama, le ka mohla. Esale a tseba hoba ke Molimo. Ke ntho e kholo eo. Mohla . . .

²³ Lipitso tsa Molimo li mohlolo; ha ho letho la tlhaho. Molimo o nka lintho tse mohlolo 'me o li sebetsa ka ntho ea tlhaho, empa pitso ea Molimo e mohlolo. Bibele e boletse, "Lineo le lipitso ha li tlisoe ke pako." Ua bona, e reriloepele ke—ke Molimo.

²⁴ Joale re fumana seo, tabeng ena, Abrahama a bitsoa, a utloa lentsoe la Molimo, 'me A 'molella ntho e neng e batla e sa khonehe ka bottlalo. Eèna lilemong tse mashome a supileng a metso e mehlano, mohatsa'e a le lilemo tse mashome a tšeletseng a metso e mehlano, hoo ho ka mo etsa lilemo tse mashome a mabeli a metso e mehlano ka morao ho menophose, 'me a phela le eena esale ngoanana. Ba se na bana. 'Me, leha ho le joalo, a bolelloa ba tla fumana lesea, 'me ka lesea lena lefatše lohle, lichaba tsohle, li tla hlohonolofatsoa. Joale ke ntho e makatsang eo.

²⁵ “’Me Abrahama,” Bibele e boletse ho Baroma khaolo ea 4, “a se ke a sisinyeha tsepisong ea Molimo ka ho se lumele, a mpa a ipha matla, a ntse a rorisa Molimo.”

²⁶ Kea kholoa, ka mora khoeli ea pele... Ehlide, Sara, kamoo ke boletseng, o ne a tlotse menophose. Khoeli ea pele, kea kholoa Abrahama o itse, “Sara, u ikutloa joang, ratu?”

“Ha ho phapang.”

²⁷ “Be, ho bokoe Molimo re tla fumana lesea, leha ho le joalo. Re tla le fumana feela. Molimo o itse re ne re le joalo.”

²⁸ Sarah, a loha libuu tse nyenyane, ’me a fumana maleiri le lipelete, le ntho e ’ngoe le e ’ngoe; ho itokisa, ho itokisetsa eona, kaha a tsebile a tla le fumana. Molimo o itsalo. Ua bona?

²⁹ Selemo sa pele sa feta. “U ikutloa ka mokhoa o fapaneng, moratua?”

“Ha ho phapang ho hang.”

³⁰ “Ho bokoe Molimo! E tla ba mohlolo o moholo ho feta khetlo la pele. Ua bona, ke selemo hamorao. Le tla fumaneha, leha ho le joalo.” Hobaneng? Molimo o itsalo. Ke phetho. Molimo o itsalo. Rōna... Molimo o itsalo.

³¹ Lilemo tse leshome tsa feta. “U ikutloa joang joale, moratua?” Ke enoa moo a leng teng mashome a supileng a metso e mehlano, ’me o mashome a robeli le metso e mehlano.

³² Joale na le ka nahana leqheku la monna le mosali ba joalo, kajeno, ba theohela kokelong, le ho re, “Ngaka, re batla ho hlophisa. Re tla...?”

³³ Molimo o u kopa ho lumela tse ling tsa lintho tse bosaoana bo feteletseng, empa kamehla O a e lokisa. Molimo... Motho ea lumelang Molimo, o hlile o itšoara bohlanya, nqa lefatše.

³⁴ Na le ka nahana ka Moshe, ea koetlisitsoeng bohlaleng bohole ba—ba Baegepeta, hlooho ea lebotho, e—e—e—e mabotho a Egepeta. ’Me, koana, a qetile lilemo tse mashome a mane ho ikoetlisetsa eona, ’me ho nkile Molimo lilemo tse mashome a mane ho mo honya thuto eo, eona nako eo lefatše le e hlokang ho mo sutela eona. Lilemo tse mashome a mane ho feta, A mo koetlisa ka bottlalo, thuto eohle, ho mo hlotla thutamolimo. ’Me A kopana le eena motšeо ho lehoatata, ’me a tseba haholoanyane ka Molimo, metsotsong e mehlano ka pela Sefahleho sa Molimo, ho feta seo a ithutileng lilemong tse mashome a mane ka libuka. Ke hantle.

³⁵ Molimo ha o tsejoe ka thuto. O tsejoe ka tumelo. ’Me Molimo o buile le eena ka mohlolo. ’Me ke bosaoana bo bo kakang, ka linako tse ling, Molimo o re etsisa eona.

³⁶ Na le ka nahana leqheku, la lilemo tse mashome a robeli, le mathang, moporofeta ea tsoang ho Molimo? ’Me ka pel’ a Sefahleho sa Molimo metsotsotso e mehlano: hoseng ho hlahlamang

(Na le ka mo nahana?), monna-moholo, litelu tse leketlileng *tjena*; lefatla la hae le benya hloohong; molamu o khopameng letsohong la hae; mosali oa hae a lutse a palame 'moulo, ka ngoana e monyenyane lethekeng la hae; tseleng e theohang!

"U ea kae, Moshe?"

"Ho theohela Egepeta, ho hapa taolo."

³⁷ Ua bona, "ho hapa," hlaselo ea monna a le mong. E utloahala e le bosaoana. Empa, lebaka la eona, o e entse, hoba Molimo o itsalo. Ke phetho.

³⁸ Ha Molimo o rialo, ke phetho se leng teng. Ke—ke eona. Haeba Molimo o entse tsepiso, fanyeha moea oa hau holim'a eona. Ha u ka e lumela, fanyeha ea hau... Ha u sa e lumele, suthela hole le eona; e tla u ntša kotsi. Empa ha u e lumela, lula le eona, e tla u isa tlholong, ruri joaloka lefatše.

³⁹ Joale rea fumana, ho re, "Abrahama ha a ka a sisinyeha tsepisong ea Molimo." 'Me mohla a leng lekholo la lilemo, 'me eēna a le mashome a robong, kea mo utloa; o batla a sa khone ho bua joale, o tsafala haholo o a fokola, "Be, Sara, moratuoa, u ikutloa joang?"

"Be, moratuoa, ha ke utloe phapang ea letho."

⁴⁰ "Alleluia! Re—re tla le fumana, leha ho le joalo. Molimo o itsalo, ke phetho se leng teng. Molimo o tsepisitse." O itse o ne a "kholisehile ka botlalo hore Molimo o na le matla a ho phethahatsa seo A se tsepisitseng."

⁴¹ 'Me joale re ipitsa Peō ea Abrahama, Peō ea hae ea Borena (e seng peō ea Isaaka), Peō ea hae ea Borena, Kreste; athe re thekesela tsepisong efe le efe, ho ngangisana le eona le ho re ha e joalo, le ho e belaela likellong tsa rōna? Kea belaela hore re Peo ea Abrahama haeba re bolokile mohopolo o joalo ka ho rona. Peō ea Abrahama ha e khoptjoe ke letho. E bitsa lintho tse neng li le sieo, eka hoja li ne li le teng, hobane Molimo o itsalo. Ke 'Mopi. A ka e phethisa. O e tsepisitse, 'me ke phetho. Ke phetho se leng teng. Ha Molimo o e bua, hoo ho batalatsa ntho eohle. Joale, hopolang, o ne a e batla... Ho ke ke... O boleletse...

⁴² Ntho e 'ngoe eo A mo laetseng ho e etsa, ho ikarola joale mofuteng oa habo le bathong ba habo bohle.

⁴³ Molimo, ho fumana monna kapa mosali, moshanyana kapa ngoanana, ho Mo mamela, u tlameha ho ikhetha ho se lumeleng hohle, ke hantle, ho fihlela u ikarola nthong efe e khahlano le Lentsoe leo ka botlalo, le ho Le lumela. Uena... Molimo o memela karohano ka botlalo.

⁴⁴ Ke phapang e kakang kajeno likolong tsa rona tse romelang baruti. Ba mpa ba ba sutela mefuta eohle ea ho se lumele le likhopolo-taba tse seng tsa Mangolo haese mofuta o itseng oa tumeloana eo ba e bopileng, 'me ba ntano ba romela ka motheo o kang oo. Ha ho makatse ha re qhotsitse sehlopha sa Oswald le sa

Jack Ruby, le ba joalo, naha ka bophara. Bokomonisi bo metsa na, hoba re na le likoleshe tsa thupello le bareri ba seqhotsisi sebakeng sa ho romelloa ke Molimo, ho tsoaloa labobel, ho tlatsoa ka Moea o Halalelang, bara ba Molimo ba tsoetsoeng ke Mollo, bana ba Abrahama ba lumelang Lentsoe la Molimo e le 'Nete e tiileng le letho haese 'Nete, ba khohlahetseng, 'me ba ka ema mono litsepisong, pontšeng ea ntho efe feela, le ho tobana le eona, hore ke 'Nete. Ke Lentsoe la Molimo. Ho lokile.

⁴⁵ Joale O itse, "Ikarole mofuteng ohle oa heno, bathong bohle ba heno, nthong e 'ngoe le e 'ngoe, 'me u Ntatele."

⁴⁶ Molimo ha o eso fetole tsela ea Oona. Molimo ke Molimo o sa fetoheng. Kamoo Molimo o sebetsang ntho efe kapa efe, khetlo le leng, O tlameha ho e sebetsa ka ho tšoana khetlo labobel. Hopola, ha u ka bona liketso tsa Molimo khetlo lefe, haeba A... Haeba—haeba motho a lahlehile, 'me A pholositse motho holim'a motheo oa qeto efe e ikhethang eo A e entseng, O tlameha ho tiisetsoa qeto eona eo kamehla. A ke ke a e fetola. Le a bona? Ke mohlokaphelseto.

⁴⁷ Re na le phello. Nka tseba haholoanyane hosasane ho feta kamoo ke tsebang kajeno. Le uena u ka tseba isao ho feta monongoaha. Monongoaha o tseba ho feta kamoo o tsebileng ngoahola, empa e sang Molimo.

⁴⁸ O phethahetse, mohlokaphelseto. Sohle seo O se etsang se phethahetse. A ke ke a etsa qeto kajeno 'me a etsa e molemo hosasane. Ea hae ea pele e phethahetse. Ka baka leo, u ka fanyeha moea oa hau holima sohle seo A se buang, e le 'Nete.

⁴⁹ Molimo o memetsoe khetlo le leng ho etsa qeto, mokhoa oa ho pholosa motho, 'me kamoo O e sebeloitseng e ne e le holima motheo oa Mali a tšolotsoeng a Hoo ho se nang molato, tšimong ea Edene. 'Me motho o lekile sohle lefatšeng ho pholosa motho, ka mantsoe a mang; ba hahile metse, ba hahile litora, ba fumane mekhatalo, lithuto, le ntho eohle esele, 'me ntho eohle e hloleha ka botlalo. Tsela e 'ngoe feela eo Molimo a pholosang motho ka eona le ka mohla, ke ka Mali a tšolotsoeng a Ea hlokang molato. Ke eona feela tsela. E ne e le qeto ea Molimo ea pele. O lula le eona kamehla.

⁵⁰ Haeba Molimo o kile oa folisa motho holim'a motheo oo O mo folisitseng, O tlameha ho folisa ea latelang ha a fihla sebakeng seo. Haeba A sa etsa joalo, O sebelitse ka phoso mohla A neng a sebetsa khetlo la pele mohla qeto e neng e tla etsoa.

⁵¹ Haeba A etsa qeto le ka mohla, O tlameha ho e tiisetsoa. Haeba A sa etse joalo, O entse qeto e fosahetseng lekhatheng leo. Ua bona? 'Me ke mang ea ka reng Molimo o entse qeto e fosahetseng? Ua bona? Re ne re ke ke ra rialo. Ka baka leo Molimo o tlameha ho lula le qeto ea Hae kamehla. Ka hona ha A e etsa, ke eona.

⁵² Eaba O re, "Ikarole mofuteng ohle oa heno, ntho eohle, ho se lumele hohle ho theohileng Babilona holimo mono."

⁵³ Mokhatlo oa pele o moholo lefatšeng e ne e le Babilona, mohla o neng o hlophisa metse eohle ho lebisa tlotla motseng o mong ona, papiso eona eo, mekha ena eohle le lintho tse ncha tse bonoeng kajeno. Ha u kile oa bala *Two Babylons* ea Hislop, le joalo-joalo, le ho khutlela ho Genese, u tla fumana Genese e le tšimoloho, peō, u bona li-isn tsena tsohle le lintho tsena, li behiloe hantle ka mono.

⁵⁴ Le a bona, Bafarisi ba ichebileng bobona ba theohileng mono, ho tsoa ho mosali eo ea nang le metso e hlollang eo le joalo-joalo, ho theohela hantle matsatsing a Jesu. Bafarisi ba ne ba sa lumela Moea kapa letho le sele, 'me ba sitisitse Jesu. Jesu o itse, "Ba tloheleng. Ekare ha sefolu se tsamaisa sefolu, li tla oela selomong ka bobeli. Lesang . . ." A tsoela pele ho rera, le ho folisa bakuli, le ho etsa mehlolo, le ka ho tsoana. Ha e a ka ea Mo thibela, hobane E ne e le Lentsoe. Lentsoe le tsoelapele hantle, ho sa tsottelehe se etsahalang.

⁵⁵ Ka hona re fumana lintho tseo li tsoelapele, 'me qetellong li fihla li thunya mona matsatsing a qetelo. Joaloka Jambrese le Jannese ba hanetse Moshe, ho tla ba joalo.

⁵⁶ Joale, karohano ka bottlalo hole le ho se lumele hohle. 'Me, le hopole, Abrahama mopatriareka ha a hlohonolofatsoa ka bottlalo hofihlela a utloile hantle seo Molimo o se laetseng ho etsoa. 'Me le ka mohla, re ke ke, ra hlohonolofatsoa, ra fuoa mahlohonolo, hofihlela re mamela seo Molimo o se laetseng ho etsoa.

⁵⁷ Ntho e 'ngoe eo ke batlang le e lemohe mona khaolong ea 12, selekane se ne se hlile se hloka lipehelo. Se ne se sa tlamelloa letho. "Ke se ke," e seng "haeba u." Ho ne ho se bo-haeba e le teng. "Ke se ke e entse." O file Abrahama selekane, se sa tlamelloa liphehelo.

⁵⁸ 'Me joale tsebang, ka selekane sa Adama, e ne e le, "Ha u sa ame sefate sena, Ke tla etsa *hore-le-hore*. Empa ha u ka etsa, Ke tla lokela ho etsa *hore-le-hore*." Le a bona, se ne se hokane le molao.

⁵⁹ Empa selekaneng sena, "Ke se ke u entse ntata lichaba tse ngata." "Me Ke alr- . . . Ntho eohle ha e na lipehelo. Selekane ke mohau o hloekileng, mohau o tiileng feela. Ba tlameha ho etsa ho le hong feela ho baballa selekane sena e le ho lula le ho aha naheng; 'me lehlohonolo le leng le leng, le ne le tsamaea le selekane, le ne le ena le bona. Ntho feela eo ba neng ba lokela ho e etsa e ne e le ho lula naheng eo. Joale rea fumana, eitseba ba theohela Egepeta, ba lahlehetsoe ke lehlohonolo la bona, empa e seng selekane sa bona. Selekane se ne se ntse se le teng mono. Ba lahlehetsoe ke lehlohonolo, empa e seng selekane sa bona, hobane selekane sa bona e ne e le mohau, se se nang lipehelo.

⁶⁰ 'Me ho—ho Exoda, khaolo ea 19, Ex- . . . Iseraele e ne e entse e 'ngoe ea lintho tse bosaoana tseo e kileng ea li etsa, ke mohla e ne e hana mohau le ho amohela molao. Shebang seo mohau o

se entseng. Mohau oa tlameha ho ba baballela monamoleli, oa tlameha ho ba baballela moporofeta, ka Topallo ea Mollo ho mo netefatsa ka Lentsoe le tiisitsoeng, e ne e le konyana ea sehlabelo. Mohau o ba file tsoseletso e khōlō. Mohau o ba fetisitse, oa bula Leoatle le Lefubelu, oa ba tselisa ntho eo. Ho ba lokolla ka lipontšo le meeka, bohole ka mohau. Empa ba ne ba batla ntho eo ba ka iketsetsang mabitso a maholo.

⁶¹ Joale, haeba e se batho kajeno, ho a tšoana. Ba tlamehile joalo, motho o tlameha ho ipihihlela a kentse letsoho ho eona nqa e 'ngoe. 'Me ke hona moo Iseraele e entseng phoso ea eona e kholo, mohla e ne e hana mohau 'me ea nka molao, sebakeng sa hoo. 'Me e . . . Le joale, empa selekane seo O se entseng le bona se sa ntse se se hloka lipehelo. Le kajeno ho a tšoana, rea e fumana.

⁶² Abrahama, ka hona, hoba a fuoe maemo ana, a qala leeto la hae, a tsoelapele. Joale re mo fumana a ile a tsoa.

⁶³ 'Me khaolong ea 13, qetellong a fihla nqalong ea kutlo e tletseng ho Molimo. Joale rea fumana, khaolong ea 13, hore Lota . . . Pele, o ile a nka ntatae, 'me monnamoholo a batla a le tseleng. 'Me a leka ho fumana sehlopha se hulanang le eená. 'Me ha u etsa joalo, ke hona moo u e fumaneng. Molimo o itse, "Ikhethé."

⁶⁴ "Be, ke tla u bolella, ha ba lumele hantle, empa . . ." Sutha ho eona. Ke eona ntho feela, lula hole le eona.

⁶⁵ 'Me eaba leqheku la monna, qetellong, hoba ba mo pate, eaba, Lota a fetoha e—e ntsintsi ka mofehlelong, ka puo eo. Re mo fihlela a qala a korotla. 'Me bobeli ba ne ba ruile, 'me ba atetsoe haholo. 'Me re fumana Lota a qala a qabana, boramehlape ba hae khahlano le boramehlape ba Abrahama.

⁶⁶ 'Me re Mo fihlela a sa fumana, Molimo o ne a eso fumane botšepehi bo tletseng ho . . . -aham, Abrahama, ho mamela seo A mo laetseng ho se etsa, ho ikarola mofuteng 'ohle oa hae, ho tsoa bathong bohole ba habo, le ho Mo sebeletsa.

⁶⁷ Ka hona re fumana, Molimo a bua le Abrahama mona, aletareng, 'me a 'moleletse seo a lokelang ho se etsa. Qetellong, Lota, mohla potso e hlhang lipakeng tsa Abrahama le Lota; e ne e le mora oa moena oa hae oa Harane, 'me bao . . . E tla be e le motsoala'e. 'Me qetellong a re, "Ha re . . . Re baena joale. Re ke ke ra ba le likhohlano leha e le life har'a rona. Joale uena, ha u ea bochabela, ke tla ea bophirima. 'Me ha u ea bophirima, ke tla leba bochabela. Joale le ikarole, 'me re ke ke . . . Sebaka se se ngata mona bakeng sa rona bohole. 'Me u tloha feela, u etsa khetho feela." Joale oo e ne e le moea oa 'nete oa Bokreste ka ho Abrahama, esita le sera u se fe monyetla oa khetho. 'Me eaba o mo lumella ho ikhethela tsela ea hae.

⁶⁸ 'Me Lota, joaloka bongata kajeno, o bone monyetla. Holane a ne a ka fapoha molao o thata oo, khele, a ka iketsetsa didolara tse 'maloa, e ka ba monna ea tummeng. Eaba o sheba tlase nqa

Sodoma. 'Me e le lefatše le nosetsehileng hamonate, le motse o moholo, le indasteri ea letsoai, le joalo-joalo. Bao, ba ne ba romela liea-ntle ho tloha moo. 'Me—'me hape, hape, keha ho tletse menyaka, basali ba takileng ferefe eohle ea Jesebele le ntho eohle, nako e khōlō feela. Mohatsae a batla a ikutloa joalo, le eēna, hobane, re fumana, hoba e be ramotse tlase mono a batla a—a batla a rata mokhoa oa batho. 'Me u lokela ho e sebetsa joalo feela, ke ho tsoakana le ho hong. Le a bona?

⁶⁹ Molimo o batla hore u ikarole, le—le ho suthela hole le lintho tseo ho fihlela u sa li bone ho hang. Hoo, u batla ho bona ntho e le 'ngoe feela, ke Eena le seo A se tšepisitseng.

⁷⁰ Empa Mof. Lota, a batla a e rata. 'Me, ntle le pelaelo, a re, "Moratuoa, joale ke ne ke le theohile feela, 'me u shebe kamoo basali ba aparang kateng tlase mono, 'me le shebe banana bao. Shebang kamoo banana ba rōna ba aparang kateng. Na ha u nahane hore ba ipapisitse le sejoale-joale ho feta?" Oh, khili! Haeba re sa khutlela morao Sodoma e 'ngoe, ha ke tsebe hobaneng. Mono rea fumana.

⁷¹ Empa Abrahama a tiisetsa tšepiso. Ebe rea fumana, ha e tsoelapele, 'me eona...ha ba ne ba ikarola, le Lota. 'Me Abrahama a nka masimo a futsanehileng ho feta, tselanyana, a lula moo ho neng ho se na makhulo a mangata bakeng sa mehlape ea hae. 'Me, empa, a itokiselimse ho khetha tsela, hobane Molimo o no o mo kentse naheng eo, 'me ke hona moo a neng a batla ho lula teng. Ho itokisetsa ho e nka.

⁷² Joale qetellong hoba a utloe, Molimo ka bottlalo, qetellong hoba a utloe Molimo ka bottlalo ba eona, ho ikarola ka ho phethahala, ke mohla Morena a boelang a itlhahisa ho eena. Ho fihlela a entse hoo, Morena a lula hole le Abrahama. Empa hoba a mamele ka bottlalo, eaba Lota... Molimo o iponahalitse ho eena, A re "Abrahama, phahamisa mahlo a hau. Sheba bochabela, sheba bophirimela, sheba leboea, sheba boroa, tsohle ke tsa hau." Amen. Joale, ke rata seo.

⁷³ 'Me, le a tseba, ho batla ho itšoanelo le mohla ke ne ke pholosoa. Esale ke utloetse ka Molimo e leng Molimo o moholo. 'Me, u a tseba, eitseha ke pholosoa, ke... Motho o itse, "Joale sohle seo u tlamehang ho se etsa ke ho ingolisa le kereke, 'me u ngole lebitso la hau holim'a kereke ena mona kerekeng ea Baptise. Ke phetho seo u lokelang ho se etsa."

⁷⁴ Empa, u a tseba, tsatsi le leng ka bona hoba ke mojalefa oa ho hong, hore ke—ke—ke ne ke batlile ho sheba ka eona le ho bona seo ke neng ke se tšoere. Le a tseba, ke mpa ke le joalo feela. Joaloka e—e moliko o moholo, ke oa hau, 'me—'me sohle ka mono ke sa hau.

⁷⁵ Uena—ha u tsebe seo u nang le sona ho fihlela u sheba ka Bibeleng, ho fumana litšepiso. Amen. Ba tla u thibela tsona ha ba ka khona; empa ke tsa hau. Tšepiso e 'ngoe le e 'ngoe e etselitsoe

Abrahama le Peo ea hae kamora hae. Amen. Tšepiso e 'ngoe le e 'ngoe ea Lentsoe ke ea Abrahama le Peō ea hae, 'me u mojalefa oa eona. Mojalefa! Oh, khili! Ke rata ho sheba hohle ho bona seo ke se tšoereng. Haeba motho a mphile ho hong, ke rata ho e hlahluba. 'Me ke rata ho sheba Bibeleng le ho bona seo e leng sa ka. Peō e 'ngoe le e 'ngoe ea Abrahama e tlameha ho etsa hoo, ha u tsoaloa labobeli, ho tlatsoa ka Moea oa Molimo, 'me Moea o Halalelang holim'a hau, u mojalefa oa lipallo tsohle.

⁷⁶ Le a tseba, ho joaloka ha ke boletse, moliko o moholo, hoba re kolobeletsoa molikong oo. Ka Moea o le mong re kolobetsoa bohle 'Meleng o le mong, 'me 'Mele oo ke Kreste, e leng Peo ea Borena ea Abrahama, le majalefa a sohle se leng ka ho 'ona. Amen. Sohle se neng se le ka ho Molimo, Molimo o se tšetse ka ho Kreste; sohle se neng se le ka ho Kreste, O se tšetse ka ho molumeli. Amen. Molimo holima rona, Molimo le rona, le Molimo ka ho rona! Ntho e 'ngoe le e 'ngoe, tšepiso e 'ngoe le e 'ngoe e Bukeng, ke ea hau ha u ka e lumela, ha u ena le tumelo e lekaneng ho e amohela le ho e lumela.

⁷⁷ Ua tseba, kea qamaka, ha ke fumana ntho e holingoana haholo, ke ipotsa se kahara ntho eo, ke tla hloa lere ke e sutumetse, ke 'ne ke nyolohe ho fihlela ke e finyella. Ke eona tsela, tšepiso ka Bibeleng, haeba ntho e bonahala e le mohlolo ho 'na, Ke lula ke rapela ho fihlela ke e tšoara. Ke phetho. E sebetsoa joalo. Lula u rapela, lula u itšoareletse, u hloa, u lumela, ho fihlela u . . . U mojalefa oa eona, u tšoere tšepiso ea eona, 'me u na le tokelo ho eona, 'me, "Kopang 'me le tla fuoa, hoba tsohle li ka etsetsoa ba lumelang."

⁷⁸ Joale re fumana Abrahama a haotse naheng. Molimo oa 'molella, ha thoe, "Haola le naha, u le shebe. Ntho e 'ngoe le e 'ngoe ka mona ke ea hau. Karoloana ka 'ngoe ea lona ke ea hau eohle. Ke ea hau eohle."

⁷⁹ Joale rea fumana ke hona, hore, khaolong ea 14 ea Exoda joale kapa . . . khaolo ea 14 ea Genese, ntšoareleng. Khaolong ea 14 ea Genese, Abrahama le Lota ba ne ba arohane, 'me qetellong Lota a kena khathatsong. 'Me u tla etsa joalo kamehla, ha u ikarola ho balumeli, u tla kena khathatsong. Re fumana hore marena a ne a kopane 'me a loana. 'Me a theoha 'me ba hapa Sodoma, ba hapa Gomora, ba hapa marena a bona 'ohle a likhohlo le liphula, le ntho eohle, le ho hapella Lota. 'Me batho ba 'maloa feela ba phonyohile lithabeng.

⁸⁰ 'Me hoba ba etse, motho ea phonyohileng a fihla a bolella Abrahama Moheberu, o itse, ho re, "Sodoma e se e oe, le Gomora, 'me ba hapile marena a bona, le—le joalo, 'me ba hapile batho bohle, le lijo tsa bona le ntho e 'ngoe le e 'ngoe eo ba bileng le eona. 'Me ba nkile Lota le mohatsa'e, le barali ba hae, basali bohle, 'me ba tsamaile le eona."

⁸¹ Joale, Abrahama, hlokomela moea ona oa Mokreste o phallelang ngoanabo. Esita le hoo, leha koana, Lota a oele, a khutletse morao, leha ho le joalo Abrahama a mo rata. A 'na a phallela.

⁸² Joaloka Jesu, Mongoaheng oa Kereke ea Laodisea. Koana, ba Mo ntšitse kerekeng ea bona. 'Me O ne a le kantle, a kokota, a leka ho kena kahare. [Moena Branham o kokota sefaleng—Mohl.] Hola A ka fumana motho ho bula monyako hore A tle a kene!

⁸³ Moea oo oa Abrahama ke oo, ua bona, o sala moena oa hae ea tlotseng morao, ea tlottlolotsoeng. 'Me a mo sala morao, 'me a nka bahlanka ba hae ba makholo a mararo a ba hlomella. 'Me a kopana le eena tlase Dane; ke pheletso e tlolisang ea Palestina mono. 'Me a kopana le eena mono, 'me a ithopholla bosiu, 'me a phallelia a loana le mabotho, a hlola marena, a ba hlabaka, a khutlisa bohole ba nkiloeng.

⁸⁴ Lemohang, mohla a khutlang, ke setšoantšo se settle hakakang mona. Ke ka hona ke ratang ho etsa ponelopele ea taba ena hanyenyane, ka hona re fumana e... pele ke finyella thero ea ka ea *Jehova-Jire*. Ha u ka lemoha Abrahama a khutlisa tsohle tse lahlehileng, moena oa hae ea lahlehileng le bana, eitse ha a ba khutlisa, marena a tsoa ho mo khahlanyetsa.

⁸⁵ 'Me Melkisedeke a tsoa, "E ne e le Morena oa Saleme, Morena oa khotso, Morena oa ho loka, Morena oa Jerusalema; ea se nang ntate, ea se nang 'mè, ea se nang qaleho ea matsatsi, ea se nang qetello ea bophelo." Melkisedeke a kopana le eena hlabo-... ho tsoa polaong ea morena, Eo mopatriareka Abrahama (Baheberu 7) o kopane le Monna enoa 'me a lefa karolo ea leshome, karolo ea leshome. E tšoanetse ebe ebile Monna e moholo hakakang! Le nahana e ne e le Mang? "O ne a se na ntate. O ne a se na 'mè. O ne a eso qale." 'Me E ka bang Mang, O sa ntse a phela. "Ha A eso ka a fela. Morena oa Saleme, Khosi ea khotso!" Oh, Monna e moholo enoa e ne e le Mang?

⁸⁶ 'Me mona re fumana papiso e kakang. Hoba ntoa e fete, hoba e—e molumeli oa sebele a loane le sera, O ile a fenya litheko 'me a leka ho hapa moena oa hae, Peo ea sebele ea Abrahama e khutlisang moena eo ea khelohileng, Melkisedeke a tsoa a phomosetsa veine le bohobe, selallo, a jesa selallo hoba ntoa e fete, a mo sebeletsa ka selallo kamora ntoa.

⁸⁷ Papiso e ntle haholo ea mohla ntoa e felileng, mona holim'a lefatše, litlholo li hapuoe. Jesu o itse, "Ba tla se ja ka bocha 'Musong oa Ntate," hoba mokhelohi a khutlisoe. Ntho ea pele eo re e etsang ha re kena, hoba ntoa e fele, ke ho lula fatše tafoleng ea 'Muso oa Molimo. 'Me teng ba loanneng, ba lutse fatše ba hlotse, ba tla apesoa ho loka ha Kreste, 'me ba boela ba nka bohobe le veine, 'Musong oa Ntate mose oane. Ke setšoantšo se se kakang sena, sa Abrahama ea tsoang a tšoara Lota a mo khutlisa.

⁸⁸ Joale rea fumana, hore khaolong ea 15, re fumana ntho e tsoileng ka mahetla mona. Ke—ke batla ke rata sena, haholo, ho bona na Abrahama e ne e le mang joale, le Abrahama le Peō ea hae e mo latetseng. Re fumana mona, hoba Abrahama a etse lintho tsena tsohle tse kholo; ho lumela Molimo, ho tiisetsa tšepisong, ho ikarola, le ho latela tsela ea—ea ho ntšeletsa melao ea Morena; re fumana Molimo a ipontšitse eèna aletareng. 'Me Abrahama a Mo botsa potso, a re, "Joale, mojalefa oa ka ke mang haese—haese Eliezere enoa oa Damaseka?" Me joale U ntsepisitse Peō. 'Me ke—ke batla hore U etse ho hong; ke batla hore U thasisetsa tšepiso ena ho 'na."

⁸⁹ 'Me Molimo o itse O tla e thasisetsa ho Abrahama, ho thasisetsa selekane seo A se entseng lipakeng tsa Hae le Abrahama. Joale O tla mo fa pontšo ea hore e tla loka. Hore, leha a holile, a ka ba mashome a robeli le metso e mehlano joale, empa koana O tla mo pakela, ka pontšo, hore O tla boloka selekane seo.

⁹⁰ Oh, ke thabile haholo ha Molimo o re fa lipontšo kamehla, hobane O . . . Re loketse ho tseba, kajeno, hore hora eo re phelang ho eona joale, eka khona ho be le pontšo lefatšeng nakong ena. Re loketse ho batlana le pontšo eo. Molimo ha o etse letho pele o fa batho pontšo le temoso. 'Me pontšo ea makhonthe e lateloa ke puo, 'me kamehla puo ke puo e khemang le Mangolo.

⁹¹ Joale O tla tiisa selekane ho Abrahama, kapa Abrame, le joale. 'Me O itse, "Inkele sethole se se secha." Joale, le hopole, namane e botšeħali ke eo. "Le ho tšoara pôli e tšeħali ea lilemo tse tharō. E 'ngoe le e 'ngoe e tšoanelo ho ba lilemo tse tharō." Lemohang, sethole sa lemo tse tharo, tšeħali; poli ea lilemo tse tharo, tšeħali. "Le pheleu," e tona. E 'ngoe le e 'ngoe, e lilemo li tharo, tse tharo, 'me ho na le tse tharo tsa tsona. Tharo; eona, tse peli tse ts'ehali, le e tona. Le a bona? Seħlabelo sa lilemo tse tharo, se hloekileng, konyana . . . sethole, poli ea lemo tse tharo, e ntano ba pheleu.

⁹² Ha u ka lemoha, ntho e 'ngoe le e 'ngoe mono e bopa pontšo. 'Me joale ha kea tlameha ho rera thuto ho tsoa kalaneng mona, 'me ke kholoa et ametse haholo hoo le ka bonang. Lemohang. Le ho nka linonyana tse peli, tse peli. "E nnego leeba le leebakhoroana," e leng lelapa le le leng, leeba le leebakhoroana.

⁹³ Joale o ile a khekhetha pôli . . . nku ka lehare. O khekhethile e—e pheleu le pôli, le tse ling. A li arola, a li khekhetha, a li bea fatše. Empa maeba, e tona . . . le leeba, ha a ka a li arola. E ne e le eona, ehlide, mang le mang o tseba Lengolo, o a tseba ke pholiso ea Khalalelo. Ua bona, ke lilekane tse peli. 'Me ka hona re fumana, a li kentse kahare. Pholiso e lula e le ka tumelo Maling a tšolotsoeng, kamehla. 'Me selekane sa khale se ne se tšoere pholiso ea Khalalelo, hakakang Selekane se Secha se tšoere hoo? Ua bona? Efela ha selekane sa khale se e hlahisitse, ho ka thoeng ka se Secha, kanthebo, "Ke selekane se fetisang ka molemo, se

bua ka lintho tse molemo, lintho tse phahameng, lintho tse kholo, tse molemo ho feta”? Selekane se Secha!

⁹⁴ Joale re fumana tabeng ena, hore Abrahama, hoba a etse sena, le elelloe se hlahileng. Joale ntlha e kholo ke ena, e ikhethileng. Ha ke batle ha le—le—le e fosa. Thasisetso ea selekane, ka mantsoe a mang, ke tsepiso, ho re, “Ke tsepahala ho seo Ke se etsang kapa seo Ke bolelang Ke tla se etsa,” Molimo o e tiisetsa Abrahama.

⁹⁵ ’Me a nka lihlabelo tseo ’me a li hlabab, ’me a li beha mabapi, ’moho, a li bea fatše; ’me a leleka linonyana ho tsona, hore linonyana li se ke tsa theohela hlima nama e ncha, ho fihlela letsatsi le likela, mantsiboea. ’Me ha letsatsi le likela, kapa ho likela, mona O bontšitse Abrahama seo A neng a tla se etsa tsamaong ea nako, se neng se tla hlaha.

⁹⁶ Lemohang, O boleletse Abrahama: Ntho ea pele a e boneng e le botšabeho bo shoetseng ba lefifi bo mo pupetsang. Pele, boroko bo boholo ba mo oela holimo. Joale, boroko boo bo ne bo bapisa lefu ho batho bohole. Motho e mong le e mong o tlameha ho shoa; lefu ho bana bohole ba batho. Boroko boo bo mo oetsese holimo; ’me le pele seo se hlaha e—e—e botšabeho bo shoetseng ba botšo; eaba ho hlaha sebopi sa mollo; ’me eaba Leseli le tukang le haola lipakeng tsa selekane, la pholletsa lipakeng tsa lihlabelo, la se arola. Joale hoo ho bolela’ng? Ho bolela hore motho e mong le e mong o tlameha ho shoa; ’me ruri, ka morao ho moo, o lokeloa ke ho ea liheleng; ke hantle, lefifing, lefifi le kantle, ho arohana le Molimo; empa Leseli la kena, la kena lipakeng, la arola mahlabelo ao. Haeba le utloisia, re . . . Selekane seo!

⁹⁷ Joaloka rōna Maamerika, re tlabola selekane joang? Be, ntho ea pele eo re e etsang, re re, re tli’o etsa khoebo ea mofuta kapa ho hong, ka tloaelo re a tsoa re a ja; re lula fatše, re qoqa nakoana, re ntano hlahisa litlhahiso tsa rōna; le ho tsukutlana ka matsoho. Re re, “Le tsukutle!” Ke selekane sa rōna seo. Ke tsepiso ea rōna eo.

⁹⁸ Joale, Japane, na le tseba kamoo ba hlabang selekane Japane? Ba boetse ba ja ho hong; ba ntoo thonaka nkhonyana ea letsoai, ’me ba hasana ka letsoai. Eo ke tiiso ea selekane.

⁹⁹ Re tsukutlana ka matsoho, ho re, “E tiisitsoe, moshanyana oa khale. Kea e lumela. Ke tla lula le uena. Ke tsepiso.”

¹⁰⁰ Ka Majapane, Japane, ba hasana ka letsoai. “E tiisitsoe, motsoalle. Ke qetello ea eona.” Ke qetello ea ntoa eohle. Bao, ba hlabile selekane, ba se tiisa, ka ho hasana ka letsoai.

¹⁰¹ Empa mehleng ea khale. . . (Na nka tsoara e ’ngoe ea tsena?) [Moena Branham o thonaka sekhechana sa pampiri—Mohl.] Mehleng ea khale, tsela eo ba neng ba etsa selekane ka eona ke ena. Ra rala tumellano, ’me ra tsoara tumellano ra e ngola joalo. ’Me eaba re bolaea phoofolo, sehlabelo; ho e khekhetha, ho e ala joaloka mehleng ea Abrahama mono. ’Me eaba re ema

lipakeng tsa selekane sena, 'na le uena, 'me ra etsetsa Molimo kano. "Ekare ha re sitoa ho boloka selekane sena, re tšoane le sehlabelo se shoeleng seo se shoeleng se shoeleng tulong tsa rōna. Mali ao a sehlabelo seo a ke a re arabele. Re ke re shoe lefu le tšoanang, ha re sitoa ho boloka selekane."

¹⁰² Ebe ntho eohle e a takoa, kapa e ngotsoe sekhechaneng *joalo*. Se ntoo haholoa ka lehare, ka mokhoa *oo*. [Moena Branham o tabola sekhechana sa pampiri ka lehare—Mohl.] Joale u nka halofo, 'me ke nka halofo. 'Me joale, u a bona, u ke ke ua e kopitsa ho hang, haholo ha e ngotsoe ka letlalo la nku. Ua bona, u ke ke ua e kopitsa ho hang. *Sena* se tlameha ho nyallana hantle le *sane*, ho e phethisa *joalo*. 'Me ha re kopana, ke jere karolo e 'ngoe, u jere karolo e 'ngoe. 'Me ha re kopana, 'me selekane sena se tla etsoa, 'me likano tsa rona li tla lefshoa, sekotoana sa pampiri ea ka se tšoanelia ho momahana hantle le sekhechana sa hau sa pampiri, 'me ka baka leo ke uena ea kenang le 'na selekaneng.

¹⁰³ Seo Molimo a neng a se bontša mono O ne o se etsa, hore Molimo ka Sebele o ne o theoha ho etsoa nama, 'me O ne a tla ba ka har'a selekane. 'Me Molimo oa nka Kreste, Moea; Molimo Jehova oa nka Kreste, sefapanong, 'me Oa Mo hahola ka lehare. O hahotse moea oa Hae oa o lulisa Holimo, oa nka 'mele oa o kenya lebitleng. Le ho nyolla 'mele, hoseng ha tsoho; le ho romela Moea o nong o le holim'a Hae, ho ba holim'a Kereke. Hore, eona thasisetso e tšoanang matsatsing ana a qetelo, "Jesu Kreste eena maobane, kajeno, le kamehla," moo selekane sona seo se tla lokela ho ba ka hara batho.

¹⁰⁴ U tla E thola joang ka thuto? O tla E fumana joang ka mokhoa ofe feela haese ka netefatso ea Jesu Kreste ea phelang, ea tsohileng bafung ea tsositsoeng bafung 'me a lutse Boholong bo Holimo, bosiung bona? Ka 'ona Moea o nong o le holim'a Hae, o holima Peo ea Borena ea Abrahama, matsatsing a qetelo, ho tiisa le ho paka hore esale Eena maobane, kajeno, le kamehla. Amen. E etsa hore u ikutloe o tletse borapeli, ha ho joalo? Ke eo, ka selekane se nepileng, "Ho ngola selekane sa Ka pelong tsa bona." Jesu o itse, "Lintho tseo Ke li etsang le lona le tla li etsa."

¹⁰⁵ Ha re nyolohela mona Sodoma, metsotsong e 'maloa, le shebe kamoo ho leng kateng, kamoo e etsahalang mono, ka moo tšepiso e leng kateng bakeng sa letsatsi la qetelo le seo A tla se etsa.

¹⁰⁶ O ne a e thasisetsa, ho bontša hore O... O hahotse 'mele oa Jesu ka lehare, ho nka Moea, a fanyeha 'mele letsohong le letona la terone ea Molimo; le ho romela karolo e 'ngoe, karolo eo A e hahotseng, Moea holima rona, e bitsoang Moea o Halalelang. 'Me bona Bophelo bo nong bo le ka ho Kreste bo ka ho uena, bo Mo supang e le Molopelli oa hau. O u bilelitse ho Molimo, 'me joale re bara le barali ba Molimo, ka Moea oa Kreste. Amen.

¹⁰⁷ "Mesebetsi eo Ke e etsang le tla e etsa le lona. Le tla etsa le e meholo ho ena, hoba Ke ea ho Ntate oa Ka." Amen.

¹⁰⁸ Moea o nong o ahile ka ho Eèna o holim'a hau, Bophelo Bosafeleng. Ke moabi oa Bophelo Bosafeleng. Ke Molopolli, ho khutlisa se oeleng tlolong, molokong oa batho, ho busetsa ho Molimo. 'Me Moea o neng o le ka ho Kreste o ka ho lona. 'Me haeba moea oa e—oa Dillion o ne o le ka ho 'na, ke ne ke tla jara lithunya. Hola moea oa setaki o ahile ka ho 'na, nka taka litšoantšo. Ha Moea oa Kreste o le ka ho lona, le tla etsa mesebetsi ea Kreste. Amen. Ke hantle. Bophelo bo nong bo le ka ho Eèna bo ka ho uena.

¹⁰⁹ Fallisetsa bophelo nthong efe feela ho ea nthong e 'ngoe. Ha u ka nka bophelo ba—ba mokopu oa bo sunya morating oa lehapu, bo tla beha mekopu, ka nèpahalo. Ha u ntša bophelo sefateng sa perekisi, u bo kenya sefateng sa pere, se tla beha liperekisi, hobane bophelo bo ka hara sefate bo hlahisa ka bopaki ba sona.

¹¹⁰ 'Me ke hona kamoo Peo ea Borena; ka Isaaka ho tlide peo ea nama, e ileng ea E latola. Sefapanong, ho tloha ho Efraime ho ea ho Manasse, ho fetisetsoa, lehlohonolo ho tloha letsohong le letona ho isa letsohong le letšeħali; kapa la letsoho le letšeħali e ne e le la le letšeħali, e monyenyan e ho e moholo; ka ntho eo ho fetola boemo bohole ho tloha ho peo ea tlhaho ea Isaaka, e ileng ea hana Kreste, 'me kereke ea tlhaho kajeno e sa ntse e Mo hana.

¹¹¹ Empa ea moea, Peo ea Borena ea Molimo e lumelang, Peo ea Borena ea Abrahama e lumelang Lentsoe le leng le le leng la Molimo, ho na le tiisetso ea ea phelang, ea Jesu Kreste ea sohileng ka ho bona. Amen. Amen. Oh, khili! Ua bona, eona ntho eo, Kereke eohle e tlameha ho amana.

¹¹² Mohla e ne e bapisoa peōng ea tlhaho, shebang, Isaaka le Rebeka e ne e le bomotsoala ba pele, lesika la mali, bo-ntate ba tšoanang; le a bona, bontate e ne e le baena, ba ba etsa botsoala ba mali, monyalua le monyali.

¹¹³ 'Me ho Adama le Eva, e ne e le Adama kaofela, le ho qaleng. Molimo oa ntša lehopo lehlakoreng la hae oa etsa mosali, 'me Oa ntša moea oa botšeħali ho Adama oa o kenya ho mosali.

¹¹⁴ Ka baka leo ha mosali a itšoara se sa monna, ho na le ho hong... ho na le khopamiso mono kae-kae. 'Me ha monna a batla ho ba sesi e moholo, phoso e teng kae-kae. Molimo o entse monna oa mo apesa joaloka monna, le mosali joaloka mosali. O ba lulisa ba le joalo kamehla. Amen. Ha u ba bona ba etsa ntho e 'ngoe, phoso e teng. E khopamisitsoe. 'Me ntho eohle e fetohile sehlopha sa makhopama. Ke hantle haholo. Morabe 'ohle, moloko 'ohle, ke, "ntho eohle ke seso se phephethang bolalu," kamoo Bibele e boletseng. Ho batla ho se toka hohle. U a tseba hoo ke 'nete. O batla o sa fumane letho—letho hara bona ka ntle... Empa tsoela seterateng, ho thata ho fumana monna oa sebele; bo-ausi bao nkileng ka ba bona. 'Me basali, ba tena marikhoe, ba kuta moriri oa bona, ba tlola pilo ea molomo, ba tsuba lisakrete, ba leka ho

ba monna. U batla ho ba monna ka lebaka lefe? U tlamehile u be u le leleiti.

¹¹⁵ Ke bone letšoao, ho itsoe, "Litafole tsa maleiti," ka bareng.

¹¹⁶ Ka re, "Ha u eso fumane moreki." Leleiti le ke ke la ea tulong e joalo. Che, monghali. Che, leleiti che. Mosali a ka khona, empa e seng leleiti. A ke ke a kena tulong e joalo. Empa ke moo he, le a bona.

¹¹⁷ Molimo o ile oa arola, oa hahola. Le a bona, 'Mele, Monyaluoa oa Kreste, o tlameha ho khutlela qalong. Joale Eva o ne a . . .

¹¹⁸ Eva e ne e le eng? Eena le Adama ba ne ba tšoana. Ba ile ba bitsoa Adama. Bao e ne e le seperete. Mohla O nong o bopa motho, khetlo la pele, O mo entse ka setšoantšo sa Oona ka Sebele. 'Me Molimo ke Moea. "Ka setšoantšo sa Molimo O mo bopile, e le e motona le e motšehali O ba bopile." O ne a . . . 'me le joale ho se motho ea lemang mobu. Eaba Molimo o bopa motho ka lerole la lefatše le ho kenya moea oona oa menahaneng habeli ka ho eena, 'me eo e ne e le Adama oa pele.

¹¹⁹ Eitse ha A arola Eva ho Adama, Eva o tlotsa ka ho se lumele Lentsoe. Ke hantle. Ke hona moo kereke e hlolehileng kajeno, ho se lumele Lentsoe!

¹²⁰ Empa lebakeng lena, ho Peo ea Borena, e bitsoang, e reretsoeng Bophelo Bosafeleng, Peo ea Borena ea Abrahama, ba lumela Lentsoe leo. Ha ke tsotelle se tlang le se tsamaeang, ba tšehe hakae, ea buang *sena, sane*, kapa se *seng*, ba khethetsoe Bophelo Bosafeleng. 'Me o boela a khutla hantle. Eena le Morati oa hae, Kreste, ba bang. Bophelo, Moea o leng ka ho Kreste, o ka har'a Kereke. Ke selekane sa bona sa Bosafeleng, mona. Le a bona? Molimo o ile oa nka Moea oa Kreste, oa o hahola, sehlabelong sa Kalvari; le ho nka Moea oo, ho nyolla 'mele le ho o beha letsohong le letona la Terone ea Molimo le Borena Holimo. Ke hore, ntho e 'ngoe le e 'ngoe Leholidong e laoloa ke Eena. 'Me Moea o nong o le holim'a Hae, o a khutla; 'ona Moea oo, e seng Moea o mong, 'ona Moea o theohelang holim'a Hae, ho thasisetsa selekane ho Peō ea Borena.

¹²¹ 'Me matsatsing a qetelo re tlameha ho e bona, ho latela Lengolo. 'Me pele Monyaluoa oa Kreste a ka nkela holimo, eka khona ho be le tšebeletso e momanang le hoo hantle. Amen. Ke thabetse ho bolela, bosiung bona, hore ke a tseba hoo ke 'Nete. Amen. Ho momahana, ho tiisa selekane!

¹²² A se tiisa mono, ho 'montša seo A tla se etsa, ho tiisa selekane. Moithuti ofe oa Bibele o tseba e le hona moo A tiisitseng selekane le Abrahama. O ne a etsa'ng? Ho bontša ka papiso, seo A neng a tla se etsa, ka mahlabelo ana.

¹²³ 'Me joale nako e a palamana, 'me nke ke ka fumana nako ea ho arola mahlabelo ana. Mohlomong ke tla tlameha ho etsa hoo hosane bosiu, empa, lemohang, ho bontša seo ao, seo mahlabelo

ana a neng a se bolela. Empa, ua bona, O e kholisitse, ho supa hobane matsatsing a qetelo... .

¹²⁴ Joale mang le mang ea balileng nalane ea khale, o a tseba ba hlabile selekane joalo. Ba se ngola, eaba ba se tabola, le ho se nehela; e mong a nke sekoto se seng, 'me e mong a nka se seng. Ba ne ba lokela ho khutla, holima sehlabelo, ho etsa sehlabelo sa bona. Abrahama o entse hona hoo ho . . . tlase Gerare, le joalo-joalo, moo a ileng teng, moo ba ahileng aletare . . . ba nyehetse sehlabelo sa bona 'me ba etsa litumellano tsa bona, 'me ba se tabola joalo. 'Me Molimo o entse hona hoo, ho supa mono seo O neng o tla se etsa ho A- . . .

¹²⁵ Potso e ne e leeo, "E kae—e kae Peō ena eo U ntšepisitseng eona? Kae? Ebe ke tla fetoha eona joang? Batho ba ntšeha, ba re, 'Abrahama, ntata lichaba, ho tlotse lilemo tse leshome le metso e mehlano. Joale lilemo tsa hau li mashome a robeli a metso e mehlano, kapa—kapa mashome a robong. Kae, kae, bana ba hau bohle ba kae? U na le bana ba bakae joale, ntata lichaba?" Ua bona, ho soma ka eēna. Empa ha a ka a sisinyeha. A lula le eona hantle. Ho soma, ho re, "Ntat'a lichaba, joale a re boneng, o na le bana ba bakae nakong ee?" Le a bona, ho batla ho soma, hoba a ne a itšoareletse litšepisong tsa Molimo, a lumela hore O khona ho boloka seo A se tšepisitseng. O—O khona ka ho fetisia. O a . . .

¹²⁶ A ka hlahisa sehlabelo sa Hae ka Sebele. Ke Jehova-Jire. A ka hlahisa 'me a hlekela seo A se tšepisitseng tsela. 'Me O ile a tiisa selekane le eena ka ho mo bontša kamoo A neng a tla e etsa, ho nka Kreste le ho hahola Bophelo ho Eena, le ho bo romela fatše matsatsing a ho qetela . . .

¹²⁷ Joale re tla e phethela Lengolong, vekeng ena, ho le pakela eona, hore selekane sena se lokela ho tiisoa le Peo ea Borena ea Abrahama, e leng batho ba tsoang ho Balichaba, e seng Bajuda, "batho ba tsoang ho Balichaba, bakeng sa Lebitso la Hae," ho ba nka bakeng sa Lebitso la Hae. Kereke e nang le Lebitso la Hae e tla khutlala ka ho Eena, hoba ke seo A leng sona, Bophelo ba hae.

¹²⁸ Mamelang, ka Letsatsi la Pentekosta, mohla Moea o Halalelang o neng o tšoloha ka Letsatsi la Pentekosta, Bophelo bo neiloe Kereke. 'Me Kereke eo e tsoileng le ho beha, ba ngotse ka morao ho Kereke eo Buka ea Liketso, seo E se entseng, hoba e ne e le Kreste ka ho baapostola.

¹²⁹ Joale Jesu o boletse, ho Santa Johanne 15, "Ke 'na sefate sa Morara, lona le makala." Joale, Morara ha o behe tholoana. Lekala le beha litholoana. Le matlafatsoa ke Morara. Be, joale, ha lekala leo, la pele le tsoang sefateng seo, le hlahisitse Buka ea Liketso; haeba ntho eo e hlahisa lekala le leng le ka mohla, e tla ba Bophelo bo tšoanang.

¹³⁰ Likhoeli tse 'maloa tse fetileng, ke ne ke eme le motsoalle oa ka ea lokileng, John Sharrit, holimo Phoenix. Ke lula Tucson,

kamoo le tsebang. 'Me ke ne ke nyolohetse Phoenix, Moena John Sharrit, moena ea khabane oa Mokreste. 'Me a hlile a futsanehile, haholo, 'me Morena a mo hlohonolofatsa. 'Me—'me khetlo la pele ha ke ea Phoenix, lilemong tse fetileng, o ne a se na bana. 'Me—'me o ne a batlile bana. 'Me—'me bona, mafutsana, ba sebetsa kantle seterateng, ba pshatla konkreiti, lisente tse ka bang mashome a mabeli a metso e mehlano, mashome a mararō ka hora. 'Me a theohela mono, 'me a lumela Lentsoe le leng le le leng la Molaetsa. 'Me a re, "Na u tla nthapella?" O na le bana ba bahlano joale.

¹³¹ 'Me hoo, ntle le moo, o nehela didolara tse ka bang limilione tse tharo ho isa ho tse 'ne selemo le selemo molemong oa Kreste. 'Me ke hantle. Nkile ka ba le eena mona, nakoana e fetileng, ke shebile holim'a polasi ea hae ea k'hothono. O ile a reka setereke sohle, a e-na le batho ba Mexico ba sekete le makholo a mahlano ba se hlokamelang. 'Me athe, lilemong tse leshome le metso e mehlano tse fetileng o ne a pshatla konkreiti, lisente tse mashome a mabeli a metso e mehlano ka hora.

¹³² A ntša moferong oa hae o moholo oa molamunu. 'Me ka bona sefate se mehoabali ka ho fetisia, mono, seo nkileng ka se bona bophelong ba ka. E le sefate sa mofuta, se behile mefuta eohle ea tholoana ho sona. 'Me ka sheba, 'me se behile lilamunu, se behile lilemone, se behile litholoanamorara, se behile lithanjerine, lithanjelo. Ke kholoa ho le mefuta e robong ea tholoana, kapa e leshome. 'Me ka re, "Ke sefate sa mofuta mong seo?"

¹³³ "Oh," a re, "eo ke tekonyana feela, Moena Branham."

¹³⁴ Ka re, "Oh, kea bona." 'Me ka re, "Tsohle li phela sefateng se le seng seo?" Ka re, "Ke sefate sa mofuta mong, le ho qaleng?"

¹³⁵ A re, "Ke sefate sa lamunu. Eo ke lamunu e mokhubu."

¹³⁶ 'Me ka re, "Na ke eona?" Ka re, "Mathaka ana a mang a etsa'ng holimo mono?"

'Me a re, "A entetsoe ho sona."

¹³⁷ Ka re, "Oh, kea bona." Ka re, "Kea utloisia." Ke itse, "Joale, joale isao, ntho e 'ngoe le e 'ngoe e tla fetoha lamunu, na ha ho joalo?"

¹³⁸ Ho re, "Oh, che." Ho re, "Che, lemone e tla hlahisa lemone." A re, "Eona . . . 'me tholoanamorara e tla beha tholoanamorara, 'me thanjerine e tla beha thanjerine."

Ka re, "Ho tsoa sefateng sa lamunu?"

A re, "E, monghali."

Ka re, "Ha ke bone kamoo se ka etsang joalo."

Ho re, "Tsohle ke tholoana ea siterase."

Ka re, "Be, ho bokoe Morena! Ke bona ntho e 'ngoe."

¹³⁹ Sheba! Oh, moena, mohla Moea o Halalelang oo o nyolohang o kena Morareng oo, le ho hlahisa ho tsoa Morareng oa sona ho isa ho lekala la pele, 'me ba ngotse Buka ea Liketso ka mora lona, haeba sefate seo se ka hlahisa lekala le leng la mantlha, se tla melisa ntho e tšoanang. E tla ba Jesu Kreste. Joale re tšoere Methodise, Presbeteriene, Baptise, Lutherane, ntho e 'ngoe le e 'ngoe e entetsoe ho sona, e bea tholoana ea bolumeli; empa ha se ka hlahisa lekala le leng le ka mohla, e tla be e le la makhonthe, le tlatsitsoeng ka Kreste, Lentsoe la Molimo leo setsi e leng holim'a Kreste.

¹⁴⁰ 'Me, le hopole, le hopola molaetsa oa *Sefate Sa Monyaluoa*. Bongata ba lōna le nka teipi. Kamoo mong'a tšimo a ttileng, 'me se ne se beha tholoana e phoso, ka hona a se hlaola, a se hlaola, a 'na a se hlaola, ho se hlaola. Empa Joele o itse, "Se siiloeng ke marutle, seongoane se se jele; seo palmer-... seongoane se se siileng, se jeloe ke ho hong." Re fumana hobane likokoanyana tseo ke kokoanyana e tšoanang, feela e le lekhatheng le fapaneng. 'Me se siiloeng ke Lutherane, Methodise e se jele; se siiloeng ke Methodise, Baptise e se jele; seo Mobaptise a se siileng, Mapentekosta a se jele. Ntho eohle e remiloe.

¹⁴¹ Empa Molimo o itse, "Ke tla khutlisetsa, ho bolela Morena, lilemo tsohle. Ke tla romela Kereke e 'ngoe, matsatsing a qetelo. Ke tla khutlisetsa Matla ao a mantlha hape. Ke... Nakong ea mantsiboea, Leseli le tla chaba." Botebong ba sefate seo, ho sa tsottelehe ho hlaotsoe makala a makae, ho tla hлаha Peō ea Borena ea Abrahama! Alleluia! Molimo o e tšepisitse. Molimo o tla e phethisa. O itse O tla e phethisa. "Ke tla busetsa lilemo tsohle tseo mekhatlo ea malumeli e li jang. Ke tla khutlisetsa lilemo tsohle. Ke hlaotse ntho eo, empa sefate sa Morara se tla tsoa pelong ea sona. O tla ba joaloka sefate se hlomiloeng pel'a linoka tsa metsi, motho ea thuisang Lentsoe la Molimo, motšehare le bosiu," e seng ho tumeloana kapa mokhatlo oa bolumeli, "empa ho nahana ka Lentsoe, motšehare le bosiu. O tla ba joaloka sefate se lenngoeng nokeng ea metsi; makala a ke ke a foforeha. O tla bea tholoana ea hae sehleng." Molimo o e tšepisitse.

¹⁴² Molimo, ho tabola, ho ntša, ho hlaola, ho Ikarola, ho Ikhekhetha. O entse hona hoo ka Letsatsi la Pentekosta, mohla Moea o Halalelang o theohang. Topallo eo ea Mollo e ile ea theoha, e ileng ea sala Iseraele morao, bohle re tseba hoba e ne e le Logos, eo e neng e le Kreste. 'Me mohla E theohang, ka Letsatsi la Pentekosta, E ile ea etsa'ng? E ile ea Ikarola, 'me maleme a Mollo a lula holim'a e mong le e mong oa bona. Molimo o Ikarola har'a batho. Oh, moena, u ka hloka karohano, ka 'ona Moea o nong o ahile ka ho Kreste.

¹⁴³ "Ea lumelang ho 'Na, mesebetsi eo Ke e etsang o tla e etsa le eená. E meholo ho feta ena, kapa *ho feta ena*," phetolelo e nepahetseng "hobane Ke ea ho Ntate. Empa, ho se ho se hokae 'me lefatše ha le sa tla Mpona, empa lona le tla Mpona, hoba

Ke,” leemeli la motho, “Ke tla ba le lona, le ka ho lona, nakong ea qetelo, pheletso.” O tsepisitse ho e etsa. Peo ea Abrahama, O teng mona joale. O a . . .

¹⁴⁴ Re mona, matsatsi a ’maloa a fetileng, re keteka tsoho ea Hae, hore Molimo o Mo tsositse. Rea e paka. Rea e bina. ’Me A ka hlaha a etsa seo A se entseng, joalokaha A entse pele ho tsoho ea Hae, re tla e bitsa, “senohe, le liabolosi, le Belsebule,” ho e koalla kantle hole le kereke. Hoo re ho etsetsa’ng? E tlameha ho phethahatsa Lengolo, ho re, Mongoaheng oa Laodisea, Lentsoe, lona leo e neng e le Kreste, le ile la ntšetsoa kantle, [Moena Branham o kokota sefaleng—Mohl.] ho kokota monyako, ho leka ho fumana tšebelisano e ’ngoe ho tsoa nqa e ’ngoe, ho kena le ho Itsebisa.

¹⁴⁵ Empa lekala le tla tsoa Mono, ka ho tiea ruri!

¹⁴⁶ Ka re ho Moena Sharrit, “Se tla hlahisa lekala la mofuta ofe isao? Na e tla ba lamunu? Na e tla ba lemone? Na . . .”

¹⁴⁷ “E, e tla ba la mantlha,” a rialo. “Ha le hlahisa lekala ka bolona, e tla ba lamunu, joaloka tšimolohong.”

¹⁴⁸ ’Me mohla Peō ea makhonthe, e phelang ea Abrahama e nyolohang, ’ona Moea o nong o ahile ka ho Jesu Kreste o tla phela ka har’ a bona, Lentsoe le leng le le leng le tla omeloa ka “Amen.” Ba Le lumela. E seng, “Sena se bululetsoe, ’me Sane ha se a bululeloa.” Ba lumela Ntho eohle, hobane Ke Lentsoe la Molimo.

¹⁴⁹ Na u a Le lumela, bosius bona, ka pelo eohle ea hau? Ke a le lumela.

¹⁵⁰ Ke se ke rerile mona joale nako e telele. Ha re inamiseng lihlooho tsa rōna motsotso feela. ’Me ke tla qetella sena hosane bosiu. Ke tsepisitse ho se le tšoarelle morao ho nako.

¹⁵¹ Jesu Kreste maobane, kajeno, le ka . . . E tiisitsoe, e ile ea batalatsoa ka Abrahama, hoba a e bone ka tumelo, a tsoelapele hantle, a sa thekesele ka ho se lumele. A se ke a sisinyeha. Joale ho ka thoeng ka Peō ea Hae ea Borena, rōna ba ipolelang, rōna Bakreste ba letsatsi lena, baa itlalehang ba aka sona senoelo seo A noeleng ho sona, ho ba le Moea oa Hae o tšoanang ka ho rona, le ho ’Mona a netefatsa tsepiso ea Hae ea ho ba mona le rona?

¹⁵² Tsepiso, ho e phethahatsa, ha eso be joalo mengoaheng eohle. Ha re eso e fumane pele. Batla nalane. Ha ho mohla e kileng ea hlaha. ’Me E ile ea etsoa kae, e loketse ho kena matsatsing a qetelo? Ho Kereke e khethiloeng. E seng ho Babilona, e seng ho Sodoma; ba ne ba ena le moromuoa tlase mono. Empa Moea o Halalelang ke Moromuoa ho Kereke e khethiloeng, bosius bona, Molimo o ahileng nameng ea motho, ho Iponahatsa, Mosenoli, Lentsoe le senolang mehopolo le merero ea pelō. “Jesu Kreste maobane, kajeno, le kamehla.” Ke Jehova-Jire. O se a hlahisitse Sehlabelo sa rōna, ’me o tiisa selekane sa Hae. O bolokile selekane sa Hae, matsatsing a qetelo, le batho.

¹⁵³ Metsoalle, re ka bua mona bosiu bohle. Lintho tse boletsoeng, ho builoe tse ngata. Batho ba kulang ba teng mona; u hloka pholiso. Hobaneng u sa lumele Hoo? Hola nka u folisa, nka e etsa. Le 'ne le rapele. Ha nka le folisa, ke ne ke tla e etsa. Nke ke ka le folisa. Kea . . . Lea elelloa, ke nehela tšebeletso, bosiu ba pele kapa a mabeli, mona, ho rapella bakuli. 'Me ha se bakeng sa hoo feela. Haeba Peo efe e reretsoeng Bophelong e le teng mona, Moea o Halalelang o tla e tšoara. Ba tla e bona. Ba tla e tseba. Joale O . . .

¹⁵⁴ Ba bakae ka mona ba ka phahamisang matsoho a lona, ka pel'a Molimo, le ho re, "Ke e lumela ka pelo ea ka eohle, hore Jesu Kreste ke oa maobane, kajeno, le kamehla; hore O tsohile bafung, 'me O a phela har'a rōna bosiusing bona, ho Iponahatsa har'a rōna, 'me ke lumela e le ea Molimo"? Na u ka phahamisa matsoho a hau, le ho re, "Ke e lumela ruri"?

¹⁵⁵ Joale, Ntate oa Leholimō, ba matsohong a Hau. Ba a . . . Ba ipitsa Peō ea Abrahama. Ba—ba batla, ba—ba batla mahlohonolo a Molimo. 'Me joale ke ba boleletse, ka mokhoa o nyatsehang ona, o monyenyan. Ke qalile ka thero ea ka, 'me ha kea khona ho e phethela. Empa, Ntate, ba—ba bona mona, thasisetsong ho Abrahama, hore U mo kholiselitse tšepiso, ho mo tiisetsa. Joale haeba e—haeba Moea oa Kreste o se ka ho rōna, ha re letho la Kreste. 'Me tlhaho ea Kreste e ke ke ea fetoloa.

¹⁵⁶ 'Me O re boleletse hantle, le ho tšepisa lintho tsena ho latela Bibele, sebakeng hangata. Esita le Testamente ea Khale e e tšepisitse, ho Malakia 4, kamoo ho tla ba kateng matsatsing a qetelo, "Ho tla busetsoa lipelo tsa bana morao Tumelong ea bontate," joaloka bontate ba Pentekosta, Thuto ea mantlha ea Bibele, Lentsoe la tšimoloho, seo Le neng le tla se etsa. 'Me ho tla ba le pontšo, 'me pontšo ena e tla tiisa, e tiisoe ke Puo e tla le latela, hore U teng mona. 'Me re a U lumela.

¹⁵⁷ Joale, Ntate, ha—ha Satane a suthe tseleng. Ha re—re lumele re ruile matla a letho, Morena. Ha re ipolele re ruile matla. Re itlaleha re ruile boholo.

¹⁵⁸ Rea elelloa, lepolesanyana seterateng, le khoesitse katibanyana hloohong, makoloi a maholo a haola mebileng eo e sephara, ka limaele tse mashome a robong ka hora, ka matla a moutoro oa lipere tse makholo a mararo, ha a na matla a ho thibela le e 'ngoe ea 'ona. Li ne li ka mo phetšela hantle feela. Empa e re a bontše beche leo, 'me a phahamise matsoho a hae, mariki a tla tsetsela 'me lithaere li tla hoba. Ke boholo. Motse 'ohle o mo tšeheletse. O ruile boholo, e seng matla. A ka 'na a se be boima ba liponto tse lekholo, empa o apere borena.

¹⁵⁹ 'Me ho joalo le bosiusing bona, Morena. Re tla ho Satane, e seng ka matla, empa ka borena, ho bontša Mali le netefatso ea selekane. Ha A na tokelo ea ho tšoara batho bana ba kulang.

¹⁶⁰ Ho ba sheba le ho ba bona ba hula ka falese, mona, oho Molimo, ha nka fumana mokhoa oa ho tlisetcta Molaetsa! Hola feela ba ka bona, Morena, ho elelloa feela! Ba tsose, Morena. Khetlo le leng joale, bosiung bona, ba ke ba bone hore U sa le Molimo oo. O ntse o tiisa Lentsoe la Hau. U Le boloka kamoo U tsepisitseng. Matsatsing ana a qetelo, U itse lintho tsena li tla etsahala, “Mohla Mora motho a senoloang,” lintho tsena li tla hlaha. Aba sena, Morena, ’me ba bone hore ke Uena. Ka Lebitso la Jesu, kea rapela. Amen.

¹⁶¹ Joale lumelang, metsoalle. Le letšoele le letle hakana. Ke mathile ke tlotsa nako ea ka, ua bona, ’me ke—ke ne ke sa ikemisetsa joalo. Ke ba boleletse ke...re tla tsoa ka nako, bosiung bona, empa e ntlhotse hoba ke...’Me ke tla qetella thero ea ka hosane bosiu, mohlomong, ha Morena a ratile.

¹⁶² Joale ke rōna bana. Lona le batho. Bohle re batho feela. Re batla ho phela. Mang le mang o batla ho phela a qete nako ea hae. Ke lumela Molimo a batla hore re etse joalo. Ke—ke a e lumela. Joale, ha se kahobane Setlolo se le sieo Gileade.

¹⁶³ Le a tseba, ho boletsoe khetlo le leng, “Hobaneng, hobaneng ho le joalo? Na—na ha ho setlolo Gileade?”

¹⁶⁴ “Na ha ho moporofeta mono?” Esaia o boletse, kapa, ke bolela Elia o itsalo. “E-eang le ’motse, ‘Na ke hobane ho se moporofeta Israaeleng? Hobaneng u ea Ekrone holimo mono, molimo Baale-sebule? Khele, eng, na u nyolohela holimo mono?’ Eèna e leng Mojuda, ‘Hobaneng u nyolohela mono?’”

¹⁶⁵ Ho re, “Na ke kahobane ho se setlolo Gileade, na ha ho ngaka teng? Na e teng? Na ke lona lebaka?”

¹⁶⁶ Na ke lona lebaka? Che, Monghali. Re tšoere Setlolo. Moea o Halalelang o teng mona. E, monghali. Pallo ke ea rōna. Joale u tlameha ho e lumela feela. Uena...

¹⁶⁷ Ke mohla likelello tsa batho li hasaneng hakana, ha ba...Ke ba utloela bohloko. Ha ba tsebe seo ba ka se lumelang. E mong o bua *sena*, le e mong o bua *sane*. “Me lentsoe la motho e be leshano, la Ka e be ’nete,” Morena Molimo o itsalo. Ke hantle. Joale A ke ke a fetola semelo sa Hae.

¹⁶⁸ Joale, kea kholoa maobane bosiu re qalile ka setlankana sa thapelo ’ngoe (ha ke re?), ’me ha bitsoa ho ea ho mashome a mabeli, kapa ntho e kang eo. Huh? A re fetoleng tsamaiso eo feela. Re se tšoare likarete life tsa thapelo ho hang. E, u rapele feela. U a tseba, setlankana sa thapelo se u nyollela mona feela.

¹⁶⁹ Empa ke utloa Boteng ba Hae, ka hona ke Mo tseba a le teng mona. Ba bakae ba boneng setšoants̄o sa Lengeloi leo la Morena? Ka hona nthuse, ha ke kopana le uena Kahlolong, ha Le maoto a mabeli ho tloha moo ke emeng teng. Ke hantle. Le teng mona.

¹⁷⁰ Joale motho ea sa tšoarang litlankana tsa thapelo, phahamisa letsoho la hau, ho re, “Ha ke na likarete tsa

thapelo, 'me koana ke a kula 'me ke a hloka." Ho lokile, e hohle feela. Ho lokile.

¹⁷¹ Joale ke tla le bolella. Lengeloi leo le entse'ng holimō mane nakong eo? O ile a furalla, A neile Abrahama mokokotlo oa Hae. Etsoe, ke ne ke tla e finyella, bosiung bona, 'me ke sa e etsa. Le moo A itseng, "Ho tla ba joalo ho tleng ha Morena, joaloka ha ho etsahetse Sodoma." Rea fumana, O ne a furaletse tente ka mokokotlo oa Hae. 'Me Sara a tšehe seo A se buileng, hoba A 'moleletse. 'Me a sa utloisise seo, kaha e ne e le Monna kantle mane feela, ea jang nama e halikiloeng, ho noa lebese la khomo, le ho ja namane ea lona, 'me e ne e le Molimo.

¹⁷² Bibebe e boletse joalo. Abrahama o e boletse e ne le, "Elohim." Ke hantle. "Elohim," *Molimo*. A nyamela hantle ka pel'a Abrahama. Le, "Molimo," a Mo bitsa, "Morena Molimo, Elohim, Rabokhonni-bohle."

¹⁷³ "Tšimolohong," lona lentsoe leo le a sebelisoa. Moithuti ofe feela o tseba seo. "Tšimolohong *Molimo*," shebang Seheberu, "Elohim."

¹⁷⁴ Shebang mohla Abrahama a neng a re, "Morena Molimo, Elohim," Monna a le mong, Motho a le mong, ho supa hobane Molimo o tla Iponahatsa ka nama ea motho, ho Peō ea Abrahama, ho tiisa selekane, le ho etsa sona seo A se entseng, (le a e bona?) sona seo A se entseng mono. Kamehla ke moporofeta ea lemohang mehopolo le merero ea pelo. Hobane, ba bakae ba tsebang Bibebe e itsalo, "Lentsoe la Molimo le senola mehopolo e pelōng"?

¹⁷⁵ Joale ha Molimo o ka nka bonnyane batho ba bararo ka mona, bosiung bona. Joale ena ke phephetso. Ha motho a sa nahane ho le joalo, tloo u e etse. Ha ba sa etse, u se ke oa bua letho ka eona. U a bona? Joale, hlokamelang, bonnyane batho ba bararo, (boraro ke netefatso), bao e leng basele ka botlalo, 'me ha Moea o Halalelang... Ha u ka lumela feela, ke phetho seo ke u kopang ho se lumela, ho etsa, ke ho lumela hore Bibebe *ena* ke 'Nete, 'me re phela matsatsing a qetelo, 'me ena ke tšepiso ea matsatsi a qetelo.

¹⁷⁶ Hopolang, Abrahama, kapa ha ho mang feela, ea boneng pontšo efe ho fihlela Mora oa tšepiso a fihla temeng. Abrahama o bone lipontšo tsa mafuta le lintho, ho fihla nthong eo, empa eo e ne e le pontšo ea ho qetela. A ke ke a e roba; kutloano ea Molimo. Peo ea Abrahama, eo ke pontšo ea bona ea ho qetela. Ua bona? E ne e le ea ho qetela. Molimo! O tsebile, hona hoo, e ne e le Elohim. 'Me Jesu o khutlile hantle a re ho tla ba joalo, 'me ke rōna bana hantle mona kajeno holim'a eona, ntho e tšoanang.

¹⁷⁷ Batho, ena ke 'Nete. Kea tseba, "Hantle mona kahar'a moliko?" u itsalo. Be, esale ho lutse joalo. O tsoaletsoe sejelong. Ho ne ho batla ho se motho ea ka Mo lumelang. Empa ke Peo tseo feela tse lumelang, tse reretsoeng Bophelong, ke phetho. "Bohle

ba Ntate a 'Neileng bona ba tla tla ho 'Na.' Ke hantle. Ha ba tlameha ho toutes, hoo; lebitso la bona le teng, ba tla e bona. 'Me joang? Ba tla e etsa.

¹⁷⁸ Joale, ua bona, mohopolo feela, nka—nka rapela ka u beha matsoho. Ke tla bua ka ntho eo, haholo ka Sontaha thapama. Empa ke—ke batla u bone hore u ka bea matsoho a hau holim'a Hae. "Ke Moprista e Moholo ea ka angoang ke maikutlo a mahlomola a rōna." Na le lumela seo? [Phutheho e re, "Amen."—Mohl.] Lea e lumela. 'Me joale haeba A tla etsa joalo...

¹⁷⁹ Ke—ke tseba motho mona. Ho etsahetse hore ke shebe, 'me ke bone metsoalle ea ka e 'meli kapa e meraro e lutse hantle mono, eo ke moreri, ba 'maloa mono. 'Me e mong o inamisitse hlooho, Morena o sa tsoa folisa moshanyana oa hae, boko ne bo hlakane, leha ho le joalo, kajeno, o ntetselitse ka mohala.

¹⁸⁰ Le—le monna e mong mono, le lesea la hae, bosiu bo bong, ba le hopotse le shoele. 'Me ke ne ke le Beaumont. 'Me rona, mohala, ho ea teng, 'me a mpeha matsoho, a qala a lla, ho re, "Moena Branham, Lentsoe la Morena le na le uena. Ak'o Mo kope feela." Ka 'ona motsotso oo, lesea la boela la phela, la qala la phela. Ntate ke eo o lutse hantle mono, moreri.

¹⁸¹ 'Me monna enoa, koloi ea shoahlamana, ea mo lahlela nthong kapa eane, le koana sekoting, bokoana ba hae ba hlakana, le lintho. Morena a mo folisa, ka tloaelo e phethehileng. Ba lumetse. Ruri ba...

¹⁸² Joale le se e tlalehe e entsoe ke 'na. Ha kea amana le eona ka letho. Tumelo ea bona ho Molimo, ke sona se e entseng. U be le tumelo! Tsohle...

¹⁸³ Jesu o boletse, ho Santa Mareka 11:22, "Tsohle! Ha u ka re ho thaba ena, 'Sutha,' 'me u sa belaele pelōng ea hau, u mpa u lumela hoba seo u se boletseng se tla hlaha, u ka fumana seo u se boletseng." Empa ke eo, ua bona. Ha se tšepo; ke "ho e tseba."

¹⁸⁴ 'Me haeba A ka Ipaka a phela, eena Ea entseng tšepiso a ka Ipaka a phela, 'me ha ho letho lefatšeng le ka e etsang. Phaphama! Itsukutle, ka thata haholo, moea oa hau. Ua bona? Ha ho letho lefatšeng le ka e etsang haese Molimo.

¹⁸⁵ Joale u ka—u ka e ahlolola e le e mobe, ha u batla. Ba Mo ahlotse e le e mobe, ka hona ba ka 'na ba ahlolola Moea oa Hae e le e mobe. Ba itse, "E ne e le liabolosi, ea etsang hoo." Be, ehlile, ba fumane moputso oo.

¹⁸⁶ U mpe u lumele feela. U ke ke oa folisa. Nke ke ka folisa. Ha ho motho ea ka folisang. Molimo ke mofolisi.

¹⁸⁷ Empa ha u mpa feela u ka eleloa Eo u mo sebeletsang, 'me oa ikarola lefatšeng ho sebeletsa, Eo le mo ratang; eena Ea tla ema Kahlolong, lona le Kahlolong le Eena, ho ahlolola, haeba Boteng ba Hae bo ka fihla mona hantle le ho bontša hore O teng mona!

¹⁸⁸ Joale 'mele oa Hae oa nama o ke ke oa e khona. Ha ntho eo e fihla, nako e felile. "Joaloka ha lehalima le tsoa Bochabela le benyetsa Bophirimela, ho tla ha Mora motho ho tla ba joalo." Empa, Moea oa Hae!

¹⁸⁹ 'Me Kereke e tlide, le shebe kamoo e nyolohileng kateng; ka tokafatso, khalaletso, kolobetso ea Moea o Halalelang; 'me joale hantle nakong ea hloibilo, ho hlophisa Kereke. Hantle feela kamoo e tsepisitseng, hantle feela kamoo Mengoaha ea Kereke e kolokileng kateng, 'me re bone seo, ntho eohle e theoha hantle, le ho theoha hantle.

¹⁹⁰ Pentekosta ke mokhatlo oa ho qetela. Ke ho latela Lengolo. E tla ba mokhatlo oa ho qetela, o latotsoeng le ba bang bohle, ke hantle, joaloka mokhatlo. Ha ho mokhatlo o amoheolang ho Molimo. Ke e...Ke batho ka bomong, ke bona ba amoheletsoeng ho Molimo.

¹⁹¹ Joale na ha le lumele Boteng ba Hae? Joale mona, ke moena oa lōna feela, 'me joale ke romiloe, Molimo o mpoleletse ho tla etsa sena. Ka baka leo, ke a Mo lumela. 'Me haeba e sa ngoloa Lentsoeng, bakeng sa mongoaha ona, nka e furalla. Ntho efe e sa fumanoeng Lentsoeng leo, ha ke e lumele. Nke—nke ke ka e amoheela. Ha ke re nke ke ka e lumela, empa ha ke e amohele; ha ke e utloisise. Empa ha e le kahara Lentsoe lena, le tsepiso ea mongoaha ona, kea e utloisia. Na u etsa hoo? Morena a re thuse joale. 'Me u mpa feela... U ka nanabela joale, ka tumelo, lumela hore ka ho...boteng ba rona... Re ka pel'a Sefahleho sa Hae, ke rialo, joale, ke eēna Jesu ea entseng tsepiso eo.

¹⁹² 'Me ka hare ho Bibele mona, Pauluse ea bululetsoeng, ea fluoeng litšenolo tse ngata hoo a bileng a tšoha, "'Me o bile le bothata nameng, esere a iphahamisa holim'a bongata ba litšenolo." Le a bona, o ngotse Bibebe, o ne a bululetsoe haholo. O ngotse Libuka tsa Bibebe. Joaloka Moshe, e ne e le moporofeta. Ka baka leo eena, Lentsoe la tla ho eena, 'me a Le ngola, 'me a lumelloa Mangolong, Lingoloa tse khethehileng. Joale ke eena ea—ea—ea buang ka...ea lumelang sena, o rutile lintho tsena.

¹⁹³ Joale le hopole hobane Kreste o tsohile bafung 'me o har'a rōna. 'Me u hopole seo mohopolong oa hau, Kreste o tsohile bafung 'me o har'a rōna.

¹⁹⁴ Joale, re bone metsamao ea mefuta eohle e meholo, le ho hoeletsa le ho rorisa Molimo; tsohile li ntle. Re buile ka lipuo ra porofeta, le tsohile. Re bone tseo tsohile. Ke botle. E khema le Eona hantle.

¹⁹⁵ Empa, hopolang, ntho ea ho qetela ke Boteng ba Hae bo Khethehileng, Lentsoe ka Bolona. Ke Lentsoe. Hlooho, Lentsoe, E tla ho 'Mele. Le a bona? 'Me hape Lentsoe leo, ho Baheberu khaolo ea 4, le itse, "Lentsoe la Molimo le bohale, le fetisa sabole e leolitsoeng ka nqa tse peli, 'me le senola mehopolo le merero ea pelo." Joale nka Lengolo leo u le tsamaise hantle ho tloha qalong

ea baporofeta, ho le mathisa le theoha hantle ka Jesu Kreste, le ho bona haeba e se eona ntho eo, eona ntho eo, hore O tsebjoa e le Messia.

¹⁹⁶ Joale ha se monna ea itseng mona ke Messia. Ke Moea o Halalelang ke Messia. Kreste le Moea o Halalelang ke ntho e tšoanang, ka baka leo ke ena moo E leng teng mona joale e sebetsa nameng, ho hlophisetsa 'Mele mohau o hloibilang. E lumele, metsoalle.

Morena Molimo, e ke e etsahale hle bosiusing bona.

¹⁹⁷ Joale ka Lebitso la Jesu Kreste, ke beha moea o mong le o mong ka mona tlas'a taolo ea ka, bakeng sa khanya ea Molimo. Ke e bua hore le tle le utloisise. Ua bona, le se ke . . .

¹⁹⁸ Ha u belaela, u—u, ha ho molemo ho lula halelele, hobane batho ba bangata ba lutse mona, ntle le pelaelo, ka linako tse ling ba bone se hlachelang bomosalumele. E tla tloha ho e mong ho ea ho e mong, joaloka ha e entse ka Bibeleng.

¹⁹⁹ Ba bakae ba lona mona ba rapelang, ba ntsebang ke le osele, ho se tsebe letho ka lona? Phahamisang matsoho a lona, le re le a rapela, ka hona le a tseba ha ke tsebe letho ka lona.

²⁰⁰ Uena, monna eo ea lutseng mono a tlamme tae e ntšo, u nchebile hantle mona.

²⁰¹ Joale shebang. Na le bona Leseli leo? Na ha le bone Hoo? Ke Leseli le lesehla, le bogauta le botala tlase mona.

²⁰² U a lumela ke mohlanka oa Hae, monghali? Ha Molimo o ka ntšenolela bothata ba hau, na ua lumela, u tla ntumela ka pelō eohle ea hau, u tla lumela hoba e ne e le Molimo? Na u ka etsa joalo? Na u tla lumela pholiso ea hau e tla fihla? U na le karete ea thapelo? Che, ha u na eona. Ha u e hloke. Bothata ba hau bo tsebeng ea hau. Haeba e le 'nete, phahamisa letsoho la hau. E ne e le tsebe ea hau; ha e hona joale, haeba u e lumela. Ha ke tsebe monna eo, ha ke eso 'mone.

²⁰³ Joale monna ke enoa o lutse pela hau. O batla a rapela. O rapella phosoe ho eëna. Ntalime, monghali. U na le setlankana sa thapelo? [Moena o re, "Che."—Mohl.] Ha u hloke. U a lumela hoba ke mohlanka oa Molimo? ["Ee."] Na u lumela seo ke u boleletseng sona, 'Nete? ["E, monghali."] U a lumela hore ke Boteng ba Jesu Kreste? ["E, monghali."] U a lumela mokokotlo oa hau o tla itokela ho tloha joale ho ea pele? U etsa joalo? Phahamisa letsoho la hau. Ha u ka lumela! Ua bona?

²⁰⁴ Joale botsa monna eo. Ha ke eso 'mone bophelong ba ka. Ha ho mohla a kileng a nkama. O bohole ba maoto a mashome a mabeli. O amme eng? Hoo ho tlatsa Lengolo. O amme Moprista e Moholo. O ne a lutse mono, a rapella ho folisoa. Ua bona, o amme Moprista e Moholo ea ka angoang ke maikutlo a mahlomola a rôna. Ua bona?

²⁰⁵ Joale, u nahana'ng, mohlankana ea lutseng morao mane, mothaka e mocha ea nchebileng ka kotloloho? U a lumela Molimo o folisitse bothata boo ba phieo? U etsa joalo? Phahamisa letsoho la hau, haeba u e lumela. U batla ho khaotsa temalo eo ea hau, hape, lahlela lisakrete tseo hole? Tsokotsa letsoho la hau *tjena* ha u etsa. Le ho e beha fatše le ho e lebala. Jesu Kreste o u folisitse. Ha u ka lumela!

²⁰⁶ Hantle ka nqane ho uena, ho lutse mofumahali ea roetseng ligalase. O tšoeroe ke bothata ba methapo. U a lumela Molimo o tla u folisa, mofumahali? Phahamisa letsoho la hau ha u e lumela. Ho lokile.

²⁰⁷ Na u ka nketsetsa ka mohau? Ho na le mofumahatsana ea lutseng hantle pela hau, o tšoenngoa ke bothata ba bosali, bothata ba mafumahali. Ke hantle, mofumahali. Phahamisa letsoho la hau, haeba ho le joalo. Mokelikeli oa metsi. Beha letsoho la hau holim'a hae, a tle a fole, hoba o a lumela.

²⁰⁸ Hela, ea lutseng pel'a hae, 'ngoe, peli, Ke eo hantle holim'a mofumahali e mong ea lutseng pel'a hae hantle. O tšoeroe ke meoomo, mathata a meoomo ea hae. U lumela hore Molimo o tla folisa meoomo ea hau? Phahamisa letsoho la hau. Ke moo he. Le a bona?

²⁰⁹ U a lumela Ke Jesu Kreste maobane, kajeno, le kamehla?

²¹⁰ U a lumela, ea lutseng mono? Hantle ka mora monna enoa ea lutseng ka pele mona, mofumahali ea lutseng *mona*? U a lumela Molimo . . . U na le lintho tse peli tse kotsi. E 'ngoe ea tsona ke mofetše; e 'ngoe, ke ramatiki. U a lumela Molimo o tla u folisa? Haeba u tla etsa, phahamisa letsoho la hau le ho re, "Ke—ke a lumela." Ho lokile, lumela.

U a lumela? O ntse a tiisa selekane.

²¹¹ Mofumahali ke enoa o lutse mona a nchebile, hantle ka mora monna enoa. O apere mose o mofubelu oa mofuta. Bofubelu, holimo *mona*; swetara, e ka ba eona. O hole haholo; ho rothofetse ka ntle mono. Ka morao, ua bona, ntho eo e u fokolisa haholo, ntho eohle e qala e fetoha 'mala oa lebese hohle ka phaposing.

²¹² Etsoe, ke leo Le eme mono, hantle holim'a hae. Na le bona Leseli leo? O ntse a rapella ntho e 'ngoe. Ha Jesu Kreste a ka ntšenolela seo u se rapellang, na u tla lumela ka pelo eohle ea hau? U tla etsa joalo? Ke molata ho uena, 'me u molata ho 'na. Empa u hokahane le Moprista e Moholo, hobane pontšo eo A mphang eona e holim'a hau, u a bona, u a bona, pontšo. Ke a tseba ke eona.

²¹³ U na le bothata bo boholo ba methapo e u hlophang. 'Me hape u na le kotolana 'metsong, eo u tšoenyang. Ha e le 'nete, phahamisa letsoho la hau.

U re, "U ka bona seo."

²¹⁴ Ho lokile, u tsoa...Ha u tsoe mona. U tsoa...Ha u tsoe naheng ena mona, tulong ena. U tsoa Memphis. Ke hantle.

²¹⁵ Mofumahali ea lutseng pela hau, le eena o tsoa Memphis. U lumela ka pelo eohle ea hau, mofumahali? U a lumela Molimo a ka u folisa? U a lumela ke moporofeta oa Hae, kapa mohlanka oa Hae? Hoo ho khopa batho, u a bona. U a lumela ke mohlanka oa Hae? U a lumela ke Molimo o buang see? U a tseba nke ke ka tseba letho ka uena. U a lumela e tla be e le Molimo lekhatheng leo? Ho lokile. U lumele ka pelō eohle ea hau. 'Me u na le, se u tšoenyang, u na le...u na le bothata ka 'metso oa hau, hape. 'Me ntho e 'ngoe, u na le lefito, hlahala lephakong la hau. Na u lumela Molimo o ka mpolella na e ka lehlakoreng lefe? Haeba ho le joalo, phahamisa letsoho la hau haeba ke u bolella 'nete. E ka lehlakoreng le letona. U a bona? U a bona? U a lumela Molimo a ka mpolella na u mang? Na hoo ho tla u thusa? U Mof. Cox. Ke hantle. U a bona? Khutlela morao, u a bona.

²¹⁶ Lea lumela? Kaofela ha lona lea lumela joale? Lea bona, ke hona ho thasisetsa selekane ho Peo ea Abrahama, ha u ka lumela! Le a bona?

²¹⁷ Mona, ho na le mosali e monyenyanee ea robetseng mona holim'a seterechara. Na u ka nkutloa, mofumahali, ea robetseng holim'a seterechara seo? Yaa. Nke ke ka u folisa. Ha ke tsebe letho ka uena; u osele ho 'na feela. Empa na u lumela Jesu Kreste a ka ntšenolela bothata ba hau? Na hoo ho tla u thusa? Na, e tla etsa joalo? Haeba u ka robala mono, u tla shoa. U na le monyetla o le mong feela ho phela, ke ho amohela Kreste. U na le mofetše. Ke hantle. U a lumela Molimo o tla u phekola joale? U etsa joalo? Phahamisa letsoho la hau haeba u e lumela. Ho lokile. Sebakeng sa hau, ntho feela eo u ka e etsang, ke ho tsoha liphateng tseo; le ho nka seo u robetseng ho sona, 'me u ye hae, u ipolela tumelo ea hau ho Molimo, joaloka Peo ea Abrahama. Tsoha, ka Lebitso la Jesu.

Le a bona, o a phahama, ho nka tšepiso ea hae ka ho Molimo.

²¹⁸ Ba bakae ba lona ba e lumelang ka pelo eohle ea lona joale?

²¹⁹ Ema. U na le matla; Molimo o tla u fa matla. Ema, ka maoto a hau. Ke eo, u eme, ho tsoa seterechareng.

²²⁰ Joale lōna ba batlang ho amohela Jesu Kreste, emang ka maoto a lōna. Emang ka maoto a lōna. Emang, hohle, amohelang Jesu Kreste e le mophekolia lona.

²²¹ Morena Jesu, folisa e mong le e mong oa bona. Aba sena, Morena. 

**64-0402 Jehovah-Jireh #1
4-H Club Barn
Louisville, Mississippi U.S.A.**

SOUTH SOTHO

©2024 VGR, ALL RIGHTS RESERVED

**VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org**

Temoso Ea Tokelo Ea Qopitso

Litokelo tsohle li babaletsoe. Buka ena e ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangelia ea Jesu Kreste. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org